

## **Crimen Fori Ecclesiastici**

Seu Decretalium Gregorii IX. Pont. Max. Liber V ; Brevi Methodo ad dissentium utilitatem Expositus, In quo praecipuae circa Materiam hujus Libri Quinti, quae tum in Theoria, tum in praxi occurunt, difficultates solvuntur, allatis etiam contrà sentientium fundamentis, & horum solutionibus

Accedunt duo Indices, unus Titulorum initio Operis, alter rerum, & verborum notabilium in calce ejusdem

**Schmalzgrueber, Franz**

**Ingolstadii, 1727**

**VD18 13510827-001**

§. II. De Accusationibus.

---

[urn:nbn:de:hbz:466:1-75232](https://nbn-resolving.de/urn:nbn:de:hbz:466:1-75232)

pliciter, an cum excusatione, quae poenam excludat, vel diminuat, v. g. quod occidit justæ defensionis gratia, quod accepert rem alterius in compensationem crediti &c. an verò Delictum omnino neget. si pri-  
mum, poena ipsi secundum facti, & persona qualitatem est decernenda. Farin. q. 21.  
civ. n. 133. § 143. si secundum, ei statuendus est terminus ad allegationis, seu exceptionis sui probationem, nec antea condemnandus reus, quām ex allegatis & probatis constet, quod ipse nihil relevans afferat, vel afferre possit. Farin. n. 143. cit. § 1  
tertium, repetendi sunt testes super Delicto, & deprehensione in flagranti jam recepiti: quorum testimonij si convictus apparet, & post terminum ipsi datum relevans nihil afferat, promerita ipsi poena est infligenda. Si vero non sit plenè convictus, deveniendum est ad torturam; quia deprehensione in flagranti facit, ut reus sine alijs indicis tor-

queri possit. Farin. n. 148. Pafferin. n. 21. § 22. Wiestner n. 17. Reiffenstuel n. 268.

*Dubitatur*, an reo deprehensio in flagranti, postquam delictum extra, vel in tortura confessus, vel de ipsis legitimè convictus est, infligi poena sine pravia Sententia possit? Affirmat Glossa communiter recepta in l. iustus fuscum 22. V. eod. pr. ff. de his, qui not. infam. & hoc ipsum frequentissimo omnium consensu in plerisque locis observari ait Covar. in c. alma de sent. Excomm. in 6. p. 1. §. 1. n. 9. Juxta principia iacta n. 1. præferenda videtur doctrina Clari §. fin. q. 8. n. 4. & Farin. q. 21. n. 153. qui Sententiam hoc casu exigunt, sed absque solennitatibus Jure præscriptis prolatam, sive Decretum de poena executione: à quo Decreto, tanquam Juris executione, Appellationem negant, nisi in casu, quo infligitur poena arbitraria, & in hac Judex excedat. P. Wiestner hic n. 18.

## §. II.

## De Accusationibus.

## SUMMARIUM.

21. 22. 23. Definitio Accusationis, & bujus explicatio.  
 24. &c. Modus eam proposendi.  
 25. &c. An exprimi in ea debeat etiam dies commissi delicti?  
 26. &c. Quid si in Libello accusationis propositum tempus, lotus, aut qualitas non sit probata?  
 27. An in Libello accusationis facienda hodie sit Inscriptio?  
 28. Quando arrestari possit Accusatoris persona?  
 29. 30. 31. An, & quando Libellus Accusationis contineat Conclusionem in causa?  
 32. &c. Quinam accusare possint?  
 33. &c. Et qui accusari?  
 34. &c. An accusari possint absentes?

83. 84. An unus à pluribus?  
 85. &c. An acculari aliquis possit de criminis de quo ille nullum laborat infamia?  
 86. &c. An procedere debeat monitio secret?  
 87. &c. An accusari de criminis iterum possit, quā de eo per sententiam semel est absolutus?  
 88. &c. Que sint partes Judicis in admittenda accusatione?  
 89. &c. An quis ad accusandum obligetur?  
 90. &c. An defessus licet ab inchoata jam accusatione?  
 91. &c. Quis sit Effectus Accusationis ex parte Judicis?  
 92. &c. Ex parte Accusatoris?  
 93. &c. Et ex parte Accusati?  
 94. &c. Modi, quibus extinguitur Actio criminalis?

21. **Q**uartur 1. quid sit Accusatio? 2. Est delatio Rei criminis in Judicium, ad publicam vindictam soleniter facta. Ita quoad sensum Clari. §. fin. q. 12. n. 1. Canis. summ. l. 4. tit. 19. Pafferin. Trib. Regul. q. 7. art. 1. n. 1. Gonzal. in c. 1. b. tit. n. 6. Wagnerbeck ad Rubr. eod. not. 2. Vallen. bīc §. 1. n. 1. Zöel. n. 1. Engl. n. 1. Pirhing. n. 1. König. n. 3. Wiestner n. 19. Reiffenstuel n. 5.

Dixi 1. **D**elatio: in quo distinguitur Accusatio ab Inquisitione; nam Inquisitio praviam criminis delationem, aut manifestationem, ex instituto propositam, non prærequirit, sed ad eam instituendam sufficit forma, & indicia.

22. Dixi 2. **R**ei criminis: quod ex sententia Lauterbach. ff. b. tit. §. 14. & aliorum,

debet esse publicum, & grave. Sed videtur distinguendum, quo Judicij genere agatur de crimen; nam causæ graviores expeduntur Processu Ordinario, Summario Delicta leviora juxtal. levia 6. & ibi Brunnem ff. b. tit.

Dixi 3. in Judicium; nam causa criminales, si criminaliter de ipsis agatur, coram Arbitris proponi non possunt c. causa 9. fin. de integr. restit. & l. non distinguimus 32. §. Julianus 6. ff. de recept. qui Arbitr. sed requirunt autoritatem Judicis, & quidem competentis. Talis in hoc genere causarum erit, qui mixtum sicut Imperium habet, cuicunque criminosus subjectus est titulo domicilij, vel loci Delicti. Müller. ad Struv. Exere. ad Pandect. 49. th. 6. Lauterbach. l. cit. §. 1. Magnif. P. Schmier tr. de Judic. c. 3. sec. 5. per se obtinet.

Dixi

Dixi 4. ad publicam vindictam: quo differt Accusatio ab Actione, & Denuntiatione Evangelica; nam per Actionem intenditur satisfactio, & utilitas privata ejus, qui damnum, & injuriam passus est; per Denuntiationem vero correctio delinquentis: utilitas vero publica per utramque tantum intenditur mediata, quam immediata procurare Criminoformum condemnatione, & poenis cogitat accusatio.

Dixi 5. solenniter facta: ad quam solennitatem olim requirebatur, ut Accusator se inscriberet ad poenam talionis, sustinendam in casu, quo Delictum non probaverit. Sed hodiernis moribus Inscriptio haec ob periculum minuenda Accusationis per consuetudinem sublata est, & ejus loco subrogata cautio de satisfactione, praestanda propter injuriam, & expensas. Struv. Exercit. 49. cit. tb. 9. Lauterbach ff. b. tit. §. 17. Et hinc de ea Inscriptione non est amplius necesse in Definitione Accusationis mentionem fieri.

Quæritur 2. quomodo proponi Accusatio debet? 1. Proponi debet in scriptis per Libellum l. libellorum 3. pr. ff. b. tit. vel faltem viva voce ab Accusatore prolatam, Notarius describere in actis deber: quod Curiarum praxi receptum esse testatur Clar. §. fin. q. 12. n. 7. Less. l. 2. de Just. c. 30. n. 2. Pafferin. Trib. Regul. q. 7. art. 1. n. 3. Pirhing hic n. 2. König n. 52. Reiffenstuel n. 6. Idque non immixtum; sic enim probabet variatio, & Judex magis dirigit ad conformandam petitioni Accusatoris sententiam. Excipitur, si criminis forent levissima; tunc enim non est necesse, ut Accusatio in scriptis effteratur, vel viva voce prolatam in scripta redigatur arg. l. levia 6. ff. b. tit. Sanch. l. 6. cors. dub. 50. n. 6. Pafferin. n. 3. cit. in fin. König n. 52. Wiestner n. 21. Reiffenstuel n. 6.

Ut rite formatus censeatur Accusatio-  
nis Libellus, exprimi in illo debent sequen-  
tia. 1. Nomen Judicis l. Libellorum cit.  
pr. junct. Gloss. V. Consul. ut appareat, an  
sit competens, necne. 2. Nomen, &  
cognomen accusatoris, & accusati pr. cit. ut  
apparet, an accusare, vel accusari possint.  
3. Species criminis, ut secundum istius qua-  
litatem Judex poenam mensurare possit pr.  
cit. 4. Locus, & tempus patrati crimi-  
nis pr. cit. 5. Inscriptio, seu subscriptio  
accusatoris in crimen, sive ad poenam talionis  
pr. cit. & c. super his 16. b. tit. quod statuen-  
di iustissima causa fuit, ut coerceretur temer-  
itas accusatorum l. fin. C. de furt.

Hæc Jure communi spectato, Hodie de praxi paucim Accusationis loco succedit simplex querela, in qua refertur crimen: nec solennis porrigitur Libellus; neque fit Inscriptio. Pafferin. Trib. Reg. q. 7. art. 7. n. 5. Schamborg. hic n. 5. Debet tamen Querela haec, quæ loco Accusationis succe-

dit, continere nomen querelantis, quere-  
lati, Judicis, & commissi Criminis spe-  
cierum, locum, & tempus: quæ nisi fiant, in  
ijs locis, & casibus, in quibus ex forma  
Statutorum specialium Judge non potest pro-  
cedere, nisi ad querelam partis, non pro-  
cedet Querela. Farin. prax. crim. q. 12. n. 5. §. 6. Clar. §. fin. q. 12. n. 3. Pafferin. Trib.  
Reg. q. 7. art. 1. n. 5. Secus est in ijs locis,  
& casibus, in quibus, ut hodie plerumque  
fit, Judge procedere potest, & procedit ex  
Officio; nam in his non disputatur multum  
super requisitis in Querela, an adsint, vel  
non. Farin. n. 6. cit. Pafferin. n. 5.

Dub. 1. quale tempus exprimi in<sup>27</sup>  
Libello, vel Querela debeat? 2. Exprimi  
debet annus, & mensis commissi criminis;  
alias hoc non expresso, accusatio criminalis  
erit ipso Jure nulla, etiam pars non oppo-  
nat, ut teste Clar. q. 12. cit. n. 9. commu-  
nis haber opinio, & probat ratio, quia sine  
expressione temporis, & loci, accusatio  
fieri incerta, ita, ut Reus, probando ne-  
gativam coarctatam, non posse fe aliquo  
modo defendere, aut testes, qui contra ip-  
sum deposituerunt, de falso convincere. Ex-  
cipitur in Delictis successivis, quale est Eb-  
rietas, item in levibus; nam in his annus  
& mensis non est exprimendus. Scaccia l.  
1. de Judic. c. 51. n. 3. Guazzin. defens. 3. c.  
3. n. 4.

Dies commissi criminis non est ne-  
cessario exprimenda; quia alioquin potestas  
accusandi, & probandi nimis restringeretur,  
cum quis facile possit oblivisci dicti, vel  
etiam hebdomadæ, in qua commissum est  
Delictum; nec enim tempus ita cadit sub  
sensum, ut locus. Less. l. 2. de Just. c. 30.  
n. 4. Pirhing hic n. 2. cum alijs. Ex-  
cipitur, nisi Delictum ratione certæ diei es-  
set specialiter punibile, aut expressio illius  
ad suam defensionem reo specialiter foret uti-  
lis; tunc enim, saltem hoc exigente, foret  
exprimenda. Farin. prax. crim. q. 1. n. 19.  
§. 20. Guazzin. reor. defens. 3. c. 3. n. 10.  
Pafferin. Trib. Reg. q. 7. art. 1. n. 4. Haun-  
tom. 6. de J. §. 7. tr. 3. n. 62. Vallen. hic §.  
1. n. 3. Zöel. n. 1. Honor. n. 16. Wiestner  
n. 23. Reiffenstuel n. 9.

Dixi Dies commissi criminis; nam Ac<sup>28</sup>  
cusationis infinitus dies est exprimenda l.  
libellorum 3. ff. b. tit. quod etiam de substi-  
tuta requiri, bene docet Ameno tit. 9. V. De-  
nuntatio §. 4. q. 4. n. 34. tum quia in Jure,  
ubi præscribitur forma, requiritur dies l. cit.  
tum quia bene potest contingere, ut valor  
Procesus à die dependeat, prout sit, si tali  
die Judge fuisset suspensus, vel accusator  
inimicus accusati &c. Et sic consuetudine  
servari testatur Clar. §. fin. q. 12. n. 3. &  
quamvis ibidem putet expressionem dicti por-  
rectæ Accusationis non esse de substantia,  
ut propterea, si omittatur, vitietur Querela,  
vel Accusatio, addit tamen, casu, quo No-  
tarius

tarius non faceret apparere in actis, quo die fuisset porrecta Querela, eum posse, tanquam imperitum, & suspectum privari officio.

<sup>30</sup> Dub. 2. an, si Delictum probetur paratum in alio loco, vel tempore, aut sine qualitate qua in Libello Accusationis expressa est, Rei condemnatio adhuc sequi possit? Negat Bartol. in l. is, qui reus n. 9. ff. de publ. Judic. cum quibusdam alijs, imo, ut DD, isti volunt, cum communi Sententia. Sed melius adhibetur distinctio: Vel enim qualitas diei est de substantia Delicti, quia v. g. adest Statutum disponens, ne tali die aliquid fieret, vel non est de illius substantia, sed factum, quod proponitur, est ita Delictum uno die, prout in alio.

<sup>31</sup> Si primum, procul dubio debet probari dies ad hoc, ut reus de ipso facto, tanquam de Delicto, puniri possit, ut bene advertit Clar. prax. crim. §. fin. q. 12. n. 14. Si secundum, probato Delicto, licet non sit probata dies Delicti, in Libello accusationis proposta, condemnatio Rei sequi debet; tum virtute Clausularum, qua de Stylo ponuntur in accusatione, ut est illa Non se adstringens Eccl. & illa Salvo jure Eccl. tum quia Judex ex officio potest supplere Libelli Accusationis defectum, ut sustineatur Judicium. Clar. l. cit. Scaccia l. 1. de Judic. c. 51. n. 39. ¶ ego tamen, Guazzin, defens. 2. c. 3. n. 13. ¶ nec non expresso, Passerini Tribun. Reg. q. 7. art. 1. n. 6.

Idem dicendum, si in Libello proposita sit certa qualitas Delicti, e. g. quod accusatus fecerit percutiōnem cum languine, vulnerationem cum cicatrice perpetuo manufusa, & qualitate non probata, probatum sit delictum; nam tali calū reus condemnari debet de principali Delicto, de quo est convictus, ut communiter servari cum alijs restatur Clar. §. fin. q. 66. n. 4. prop. fin. quia hodie pars in Querela se non aditringit ad aliquam certam condemnationem, sed uititur Clausula generali, qua petit accusatum condemnari pro predictis, & quilibet eorum Eccl. ut proin sufficiat Delictum principale fuisse probatum. Similiter, si in Procesu contra Reum fuit probatum Delictum, vel qualitas non contenta in accusatione, Reus in poenam ordinariam, illi Delicto, vel qualitas debitam, condemnari potest. Guazzin. Defens. 3. c. 4. n. 2. Passerini. n. 7.

<sup>33</sup> Dub. 3. an adhuc hodie in Libello Accusationis sit facienda Inscriptio in crimen, sive ad poenam talionis? ¶ Negativè; nam poena talionis, faltem in foro Civili, hodie ab usu Judiciorum recessit, ut infra Tit. 2. n. 16. dicam. Loco illius hodiernis moribus Acculator per idoneos fidejussiones, & pignora caver de Accusatione ad finem Judicij usque prosequenda, de solvendis in casu succumbentia expensis, deque refacienda injuria, & omni damno

l. si cui 7. S. carent 1. ff. b. tit. l. qui crimen 3. C. de his, qui accus. non poss.

Antequam verò Accusator hujusmodi Cautionem præstet, per Conſit. Crim. Carol. V. art. 12. jubetur arrestari ipsius persona, ita tamen, ut tam ad ipsum, quam ad accumulatum, si defensionem suam prosequi velit, omnino indulgendus sit accessus liber earum personarum, quibus prior pro Cautione fidejussionis, posterior pro ostensione innocentiae sua uti cupit. Conſit. crim. cit. art. 14. Excipitur, si acculacor sit perlona in magna Dignitate constituta; nam hic Vadem, qui cum accusato paris conditionis sit, Judicio sistere potest, ut loco ipsius custodia committatur, qui tamen & ipse custodia hac liberandus erit, si Cautionem fidejussionis ipse præstare voluerit. Conſit. cit. art. 14. fin.

Dub. 4. an in Libello Accusationis sit apponenda Conclusio, seu petitio poenae determinata? ¶ Non esse necessariò apponendam. Et hoc est discriumen inter Libellum, quo proponitur Actio Civilis, & inter Libellum, quo proponitur Accusatio: in priori post facti narrationem, & cauam applicatam, poni debet Conclusio, ut sciatur, quid, & quantum Actor petat, cum in ipsius sit arbitrio vel totum, vel partem petere: in posteriori autem sufficit sola facti narratio, & obligatio ad probandum sine conclusione ad poenam; quia quando constat de Delicto, tunc Lex ipsa facit Conclusionem ad poenam, quam remittere, vel moderari non est in Accusatoris potestate. Eng. bic n. 4. Magnif. P. Schmier tr. de Delict. p. 1. c. 4. n. 45.

Si tamen etiam in Libello criminali apponatur Conclusio, propterea ille non viatur. Græveus p. 1. obs. 61. n. 20. König bic n. 54. Quin & ceteru, ac praxi fori Libellus Criminalis ita concluditur: Quare peto ipsum puniri juxta formam Juris, & statutorum, den Beßlagten der begangenen Missethat halber nach Ausweisung der Nachten zu bestraffen/ ut pater ex Conjuratur. Crim. cit. art. 89. & notat Clar. §. fin. q. 31. n. 13. Decian. tr. crim. l. 7. c. 43. n. 4. König n. 54. cit. Addit Gaill. l. 1. obs. 61. n. 19. consulto Conclusionem, & petitionem certæ poenæ addi, si tale sit Delictum, cuius poena pecuniaria est, & partim Accusatori, partim fisco applicanda.

Quæritur 3. quinam accusare possint? Inutilis hodie viderit haec quæstio, cum, ut haec tenus dictum est, hodie de consuetudine, etiam nemine accusante, in quounque Delicto Judex possit procedere ex Officio. Multo magis igitur procedere poterit, instante aliquo accusatore, licet inhabili; nam, ut Clar. §. fin. q. 14. n. 1. ¶ scias tamen, & Farin. prax. crim. q. 12. n. 3. advertunt, Querelantis instantia, etiam si facta sit ab eo, qui accusare non potest, aperit viam Judici ad

ad inquirendum de Delicto, per Querelam delato. Sed his non obstantibus, cum DD. citt. dicendum, questionis istius etiam num hodie non modicam esse utilitatem, 1. In ijs locis, in quibus cessante praedicta consuetudine, servatur Jus commune. 2. In ijs, in quibus ex speciali Statuto extra certos casus Judex procedere non potest, nisi ad partis querelam; nam cum ista hodie loco accusationis successerit, ad querelam non admittentur, nisi illi, qui de Jure ad accusandum admittuntur. His prænotatis ad Questionem

38 Respondebat Macer JCtus l. qui accusat. pr. ff. b. tit. Qui accusare possunt, intelligentes, si scierimus, qui non possunt. Est enim Edictum de non accusando prohibitorium: in quo genere Edictorum, quod non est prohibitum à Jure intelligitur esse concessum c. inter corporalia 2. junct. Gloss. V. non incurritur. de translat. Episc. & l. ab ea parte s. ff. de Probat. Quare generaliter loquendo accusare permisum erit omnibus, qui non specialiter, & expressè reperiuntur Jure prohibiti. Durand. Specul. l. 1. partic. 2. tit. de Accusat. n. 1. Clar. §. fin. q. 12. n. 1. Gomez. l. 3. var. c. 1. n. 31. Farin. q. 12. cit. n. 8. Pirhing hic n. 3. ubi tamen distinguendum est, num crimen sit publicum, vel privatum.

39 Publici criminis accusatio plerumque conceditur cuvis de populo §. publica 1. Inst. de Publ. Judic. quod illa puniri maximè pertinet ad utilitatem publicam. Gomez. n. 31. cit. Farin. n. 8. cit. Less. l. 2. de Jus. c. 50. n. 19. Guazzini. Defens. reor. 3. c. 1. n. 2. Rosbach. prax. crim. tit. 1. c. 8. n. 42. Haun. tom. 6. de J. & J. tr. 3. n.

21. Vallen. hic §. 2. n. 1. Pirhing n. 3. König. n. 49. & alij passim. Contrà de privato crimen accusare ij duntaxat possunt, qui suam, vel suorum injuriam prosecuntur, ut cum citt. notat Farin. n. 7. & sumitur ex l. manifestissimi 22. C. de furt. Hæc tamen Distinctio non facit Regulam perpetuam; nam Actiones populares, & de suscepis Tutoribus removendis, licet Publica non sint Judicia, cuivis tamen è populo conceduntur l. popularis actio 4. ff. de Popular. action. Contrà adulterij, & suppositi partiis crimina sunt Judicia publica, ad istorum autem criminum accusationem admittuntur soli parentes, & hi, ad quos ea res pertinet l. quamvis 30. C. ad Leg. Jul. de adulter. & l. lege Cornelii 30. §. de partu 1. ff. de Leg. Cornel. de fals.

40 Quænam vero Crimina publica, quæ verò privata sint, ut rectè observant Clar. præf. crim. §. 1. n. 6. Farin. q. 18. n. 17. Haun. tom. 6. de J. & J. tr. 2. n. 2. & 3. Wiestner hic n. 25. delumendum est à Lege, & consuetudine, quæ illa adnumerat Delictis publicis, vel privatis; ac propterea, quia Jus, & consuetudo Delictum privatum ad-

R. P. Schmalzgrueber L. V. T. I.

numerare potest Delictis publicis, fit, ut denominatio Delicti publici, & privati non sit constans. De Jure Canonico, ut cum citt. notat Passerini. Trib. Regul. q. 9. n. 1. & 5. omnia Delicta cententur Publica: quin etiam de Jure Civili per consuetudinem, & locorum Statuta discrimen inter Delicta publica, & privata passim sublatum est, quod Judex in omnibus procedat ex officio, & ad Accusationem quivis admittatur Clar. n. 6. cit.

Præscindendo à consuetudine, & lo 41 corum Statutis, Privata Delicta cententur injuriarum, furti, damni arborum furtum calcarum, bonorum raptorum, expiatæ hæreditatis, termini moti &c. Gomez. l. 3. var. c. 1. n. 9. Farin. q. 18. cit. n. 15. Quæ pro Publico habentur, in triplici classe consistunt. Nam 1. aliqua directè sunt contra DEUM, aut res Divinas, ut blasphemia, Apostasia, Hæresis, Simonia, Magia, Sacilegium &c. 2. Alia sunt contra Principis, aut Reip. Majestatem, ut perduellionis, & alia lœsa Majestatis crima. 3. Alia committuntur quidem contra privatam personam, quia tamen Jus publica esse voluit, Publicis accententur, ut Homicidium, Parricidium, Adulterium, Stuprum, Vñeficium, Crimen falsi, Vis publicæ, & privatae, ambitus, peculatus, repetundarum, fraudata annona &c. l. non omnia 1. ff. de Publ. Judic. Wiestner hic n. 25.

Dixi autem n. 38. generaliter loquendo permisum esse accusare omnibus, qui non specialiter, & expressè prohibentur; nam plura hominum genera in plerisque, & aliqui in omni Delicto ab Accusatione removentur. Hinc

Dub. 1. quibus hominum generibus accusare non sit permisum? 2. Hos enumerat Macer l. qui accusare s. & duabus seqq. ff. b. tit. quem è vestigio sequitur Gratianus can. probibentur 14. caus. 2. q. 1. juxta quos textus plura sunt capita, ex quibus aliquis ab accusando removetur.

Et 1. quidem ob sexum Mulieres, prout patet ex l. qui accusare cit. l. non est 4. ff. cod. l. de crimine 12. C. de bis, qui accusare Sc. quia facile inducuntur ad habendum amorem, vel odium. Excipiuntur criminia quædam atrociora, de quibus Farin. q. 12. n. 16.

2. Ob Ætatem Impuberis, utpote 43 sufficienti intellectu ad perpendendum Accusationis negotium nondum instructi. Puoberes autem, tametsi ante vigesimum annum completum testes in criminalibus causis agere nequeant l. in testimonium 20. ff. de testib. ab Accusatione tamen non arcentur. Sumitur ex l. si maritus 15. §. lex Julia 6. ff. ad Leg. Jul. de Adulter. ubi Minores excluduntur a sola accusatione Adulterij, & ab hac quidem tantum, quando proprium Matrimonium non est violatum. Igitur cum ex-

clusio

B

clusio unius sit inclusio alterius ; alia crimina accusare poterunt , dummodo illius aetatis sint , ut postulare , seu in publicum procedere valeant , videlicet 17. annorum 1. bunc titulum 1. §. initium 3. ff. de postul. eisque assistat Curator 1. clarum 4. C. de autb. prestand. Imo consuetudine hodierna indistincte admittuntur omnes minores ad accusandum , dummodo 14. aetatis annum impleverint. Clar. §. fin. q. 14. n. 7. Farin. prax. crim. q. 12. n. 15. Gonzal. in c. 1. b. tit. n. 7. Reiffenstuel bis n. 16.

44 3. Ob Conditionem Servus ; quia nec in Civilibus ad agendum admittitur 1. servus 6. C. de Judicij. Ex eodem capite 1. accusare cit. fin. Libertini prohibent accusare Patronos suos. An vero ob Conditionem suam accusare sine consensu Patris prohibeat Filius. dissident inter se DD. nam aliqui cum Gloss. in 1. fin. pr. v. necessitate V. imponenda C. de bon. que liber, volunt, Filium fam. sine consensu Patris accusare non posse. Alii tamen cum Clar. §. fin. q. 14. n. 5. & Farin. q. 12. n. 10. eum etiam sine consensu patris admittunt ad accusandum , ex illa ratione ; quia Accusatio pertinet ad Jus publicum , causam nempe publicam. In ijs vero , que ad Jus publicum spectant , non attenditur jus Patriae potestatis 1. filius. fam. 9. ff. de his , qui sibi , vel alien. Jur. Hinc Clar. l. cit. ait , se in praxi de hac doctrina nunquam dubitari vidisse. Illud certum est , quod filius fam. cum consensu Patris accusare valeat , etiam Jure communi spectato. Reif- fenst. bis n. 18.

47 4. Ob Delictum Infames : ubi distinguendum est inter Jus Canonicum , & Civile ; nam Jure Civili ab accusatione repelluntur tantum Infames infamia Juris , l. is , qui Judicio 4. ff. b. tit. Jure Canonico autem etiam Infames infamia facti can. querendum 18. cauf. 2. q. 7. can. infames 17. cauf. 6. q. 1. Huc reducuntur Criminosi , & qui ipsi in reatu sunt 1. neganda 19. C. de his , qui accusare Eccl. l. si quis 5. ff. de Publ. Judic. ubi iterum discrimen faciendum est inter Jus Canonicum , & Civile ; nam Jure Canonico quivis Criminosus , etiam nondum accusatus repellitur ab accusando , ut notat Clar. q. 14. cit. n. 9. cum alijs. At Jure Civili , ut criminosis repellatur ab accusando , necesse est , ut sit accusatus , & ejus nomen inter reos receptum ; nam simpliciter accusatus , si nomen ejus inter reos nondum receptum sit , potest tam de majori , quam de minori crimen , & sive suam , aut suorum , sive etiam extranei injuriam prosequatur , accusatorem suum , vel alium reaccusare. Secus , si nomen ejus inter reos jam sit relatum ; tunc enim nequit accusare alium , nisi prius se purgaverit , & appareat esse innocens 1. neganda cit. vel nisi maior crimen illo , de quo

ipse fuit accusatus , suo accusatori , vel alteri objiciat l. prius 1. C. eod.

5. Ob sacramentum Miles , qui stipendia meret , ne obtentu Accusationis à signis , & servitijs militaribus abstrahantur. Ad Veteranos , extra Castra degentes , hec prohibitio non extenditur ; quia non militant , conf. in his causa prohibitionis cessat : quamvis delatores esse prohibeantur propter honorem , & merita militis l. deferre 18. §. Veterani 5. ff. de Jur. ffc. Gonzal. in c. 1. b. tit. n. 8. Quoad Milites nostri temporis Decian. l. 3. tr. crim. c. 16. n. 7. distinguunt inter eos , qui sunt in expeditione , & castris , & inter illos , qui manent otiosi domi , & ad custodiam Civitatum : illos putat , etiam si non subcant Sacramentum more Romano , ab Accusatione tamen adhuc arceri , quod in his militet ratio assignata , ne scilicet disciplinam militarem deserant ; secus vero de ipsis , seu posterioribus : in quo tamen , ut idem Author n. 8. addit , in arbitrio Judicis relinquendum est , quando ad accusandum sint admittendi. Rosbachius tamen prax. crim. tit. 1. c. 8. n. 13. Haun. tom. 6. de J. & J. tr. 3. n. 23. & alij existimant , Milites nostros ad accusandum indifferenter admitti.

6. Ob Imperium Magistratus ; quia sicut hic sine fraude in Jus vocari nequit , sic æquum est , ne alios interea in jus vocet , vel accuset. Quod tamen DD. communiter intelligunt de Magistratu Romanorum majore , non etiam de inferiore , qui sine Imperio , & potestate est , ut Magistratus municipalis , & Judex Ordinarius l. nec Magistribus 32. ff. de Injur. & l. de Ordinario 4. C. de Offic. Prefect. Pretor. Orient. & Illyr. quod optimè probat Decian. l. 3. tr. crim. c. 15. n. 4. Et duob. seqq. ex l. qui accusare cit. ibi Propter Magistratum , potestatē , ubi Lex restringit prohibitionem ad eos duntaxat Magistratus , qui Potestatem , seu Imperium merum habent. Neque obstat , quod textus loquatur alternative ; quia uidem Decianus n. 6. cum Gloss. & Bartol. in l. 2. V. vel pecudem ff. ad Leg. Aquil. notat , cum alternativa ponitur inter genus , & speciem , non servat naturam suam , sed exponitur vel pro id est , ut adeo sensus sit propter Magistratum , id est , potestatem , seu merum Imperium. Clarius idipsum indicant verba l. cit. immediatè subsequentia , ubi pro Regula ponitur , ut accusare non possint , qui non possunt in Judicio conveniri. Certum autem est , quod in Judicio conveniri possint Magistratus minores l. nec Magistribus cit. Ergo etiam accusare poterunt. Solum ergo accusare non permittentur Magistratus maiores , & qui merum Imperium habent , & quidem solum , dum in Magistratus sunt. Lauterbach ad ff. b. tit. §. 5. Miller. ad Struv. Exerc. ad Pandect. 49. lib. 7. Lit. N. Magnis. P. Schmier p. 1. de Delict. c. 4. n. 22. Neob eo-

rum potentiam accusatus opprimatur: quæ ratio in minoribus Magistratibus cessat, cum non ita magna sint prædicti potestate.

48 7. Ob turpem questionem, qui duo Judicia adversus duos reos subscipta jam habent; vel pecunias accusationis gratia receperunt; quia præsumuntur non æqua intentione ad accusandum prorumpere, qui tantopere labo- rant sanguinem humanum profundere per textus cit.

8. Ob suspicionem calunnie, qui falsum testimonium subornati dixerunt can. probibentur cit. & l. alij 9. ff. b. tit.

9. Ob pauperatem, qui minùs quam 50. aureos in facultatibus suis habent l. non nulli 10. ff. cod. nisi tamen constet, quod bona conversationis, & honestæ sint vita. Gloff. in L. cit. Clar. §. fin. q. 14. n. 19. Decian. tr. crim. l. 3. c. 22. n. 16. Farin. q. 12. n. 50. Rosbach. prax. crim. tit. 1. c. 8. n. 44. Carpz. præd. crim. p. 3. q. 104. n. 29. Gon- zal. in c. 1. b. tit. n. 8. Pirhing hic n. 6. König n. 23. Reiffenstiel n. 27.

49 Dub. 2. an præter enumeratos ab accusando repellantur adhuc alij? 14. Præter enumeratos, & can. prohibentur, & l. qui accusare, l. alij, l. nonnulli, cit. comprehensos plures adhuc sunt, qui ab accusando prohibentur vel simpliciter, vel respectu certarum personarum.

Et quidem 1. ob defectum animi furiosus, mente captus, & prodigus. Decian. tr. crim. l. 3. c. 11. n. 1. & 2. furiosus quidem, & mente captus; quia in Judicis voluntas requiritur, cum in illis dicatur quasi contrahi l. hæc 3. §. idem scribit 11. ff. de pecc. prodigus autem; quia æquiparatur pupillo habenti tutorem, vel minori habenti curatorem l. si curatorem 3. c. de in integr. restit. & l. Fulcinius 7. §. adeo 9. ff. ex quib. sauf. in posse. eat. Neque obstat, quod prodigii obligetur ex delicto, ut cum Gloff. in l. ff. quis in tantam q. 3. c. unde vi com- muniter docent Interpp. & DD. apud Decian. l. 3. cit. c. 11. n. 3. conf. etiam videatur posse accusare de delicto; nam disparitas est, quia ex delicto cum obligatur, delictum jam est commissum, & ideo merito puniendus, ne delinquendi occasio ipsi detur: contra dum accusat, cum accusator deficiens in probatio- ne condemnetur ad expensas, & subeat poena talionis, periculum incurrit, ne fa- cilitate sua profundat bona sua, ob quod pecu- rum interdicendum ipsi est bonis suis.

50 2. Ob defectum corporis Surdi, & mu- ti, si tales sint à nativitate: secus, si ex acci- dent tantum, præsertim si scribere noverint. Decian. c. 11. cit. n. 14. & trib. seqq. König hic n. 17. Wiest. ibid. n. 27. Ratio pri- mi est, quia non possunt sufficenter explicare confusum, & voluntatem suam: & ideo agere non possunt civiliter, vel postulare pro se, vel pro alijs l. hunc titulum i. §. initium 3. v. propter casum. ff. de postuland. & l. mu- r. p. Schmälegrueber L. V. T. I.

tus, & surdus 43. pr. ff. de Procurator. mul- tot minus igitur accusare poterunt, cum ad munus accusandi ob gravitatem cause crimi- nalis major utique personæ habilitas requiriatur. Ratio secundi; quia mutus, & surdus ex accidenti, si scribere noverit, accusa- toris officia omnia implere potest saltem scri- bendo, & legendo. Igitur cum nulla Lex eundem ab accusatione removeat, ad eam est admittendus. Multo magis ad accusan- dum admitti potest Surdus tantum, aut mutus tantum, & cæcus, circa ea, quæ sensu proprio possunt percipere, aut quæ perce- perunt, antequam in infortium illud inci- derent; nam circa hæc possunt esse testes. Decian. n. 6. &c.

3. Ob vinculum Censure Excommuni- catus, sive ligatus Excommunicatione ma- jore; nam hic ab agendo repelli potest, & debet c. intellectimus 7. de Judic. & c. pia 1. de Except. in 6. Ergo nec accusare potest; quia accusator in causa criminali proprius est actor. Idque servandum etiam in foro Civili. Clar. §. fin. q. 14. n. 16. Farin. q. 12. n. 29. Pirhing hic n. 6. König n. 19. Reiffenstiel n. 24. cum alijs. Excommunicatus Excom- municatione minori ab accusando non repel- litur. Farin. n. 32. & 33. & ratio disparitatis est; quia Excommunicatus Excommunica- tione majore ab agendo, & accusando re- pellitur, quod ista Censura eum privat com- municatione cum fidelibus, quæ communica- tionem non privat Excommunicatione minor.

4. Ob reverentiam filius prohibetur ac- cusare patrem; quia nec contra ipsum age- re potest civiliter sine verità l. quicunque 4. §. Praetor ait 1. ff. de in Jus vocand. quod in- telligendum etiam de filio naturali, spurio, adoptivo, emancipato: nec de parentibus, & filiis tantum, sed etiam de descendenti- bus quibuscumque respectu suorum Ascen- dentium; nam etiam hi nomine Ascenden- tum, & illi Filiorum nuncupatione veniunt. Decian. l. 3. cit. c. 14. n. 1. & trib. seqq. Ob eandem reverentia, & gratitudinis obliga- tionem accusare prohibetur Libertus patronum, vel ejus hæredem l. qui accusare 8. fin. b. tit. Alumnus Educatorem l. iniquum 17. C. de his, qui accusar. nos poss. Valetus Dominum 2. feud. 93. §. 1. v. similiter. Discipulus Magistrum, cum filio ille, iste patri æquiparetur, upore qui eundem do- cuit vitam meliore vivere: quorum omni- um ratio est, quia nimis inhumanum, & brutorum feritate crudelius est vitam na- turalem, vel civilem, quam accepisti à pa- rentibus, & patronis, per accusationem ius- dem eripere.

5. Ob conjunctionem sanguinis accusator. Fratris non potest esse Frater, ita quidem, ut accusanti exilio poena statuatur l. si mag- num 13. & l. sororem 18. C. de his, qui ac- cusar. nimis enim inhumanum videtur, ut frater fratri publicam damnationem deside- ret.

ret. **Excipitur** nisi crimen sit leve ; de hoc enim frater fratrem accusare potest *l. cit.* item si accuset ad vitam propriam conservandam , ut quia frater fratris vita insidias parat ; nam ex ejusmodi causa etiam pater potest accusare filium *l. propter insidias 14. c. eod.* Non est autem discrimen hic faciendum inter fratres germanos , consanguineos , & uterinos ; quia *l. s. magnum cit.* indistincte loquitur , ejusque ratio in jure sanguinis fundatur. Fratrum tamen nomine non veniunt hic fratres patruelis , fratres adoptivi , fratres spirituales , & multo minus Privigni , die zusammen gebrauchte Kinder. Decian. *l. 1. cit. c. 13. n. 19. & seqq.* quia non sunt proprie fratres.

**14. Ob familiaritatem accusare prohibetur** quis eum cuius familiaritati inhaesit *l. quis 20. C. de bis.* qui accusar. imò si accidierit , ulto e gladio feriri in *l. cit.* iubetur ; quia , ut *ibid.* Arcadius , & Honori-rius Imp. loquuntur , vocem funestam amputari sportet potius , quam audiri. **Excipiuntur** familiares Episcopi , & aliorum Praetorium ; nam hos , si accusare Episcopum suum , vel Praetatum velint , non possunt hi ab accusando repellere *c. nulli 5. h. tit.* licet repellere illos , si ita iisdem videbitur , possit *Judex.* Decian. *c. 14. n. 11.* cum *Gloss. Feliz.* & alijs. **Ratio exceptionis** est , quia Episcopus , & Praetatus debet habere familiam sanctam , & cum semel approbaverit eorum fidem , non potest amplius illos reprobare. Intellige autem , si tales sint , quorum mores ob astidiam cum ijs conversationem Praetatus , vel Episcopus potuit cognoscere , ut sunt eorum Cubicularij : secus , si tales sint , cum quibus non adeo frequenter conversatur ; nam in his cessat ratio textus *c. nulli cit.* imò etiam priores repelli possunt , si alio laborent impedimento , quia *v. g.* sunt Laici , Excommunicati &c. ob quod impedimentum repelli non familiares possunt. Decian. *l. cit. n. 13. & seqq.*

**15. Ob odium Inimicus capitalis** , aut alias valde infestus non permittit accusare eum , quem aversatur *c. minime 15. h. tit.* Quia talis presumitur accusare potius privatam vindictam causam , quam zelo Justitiae. Talis esse presumitur *l. accusatus respectu ejus* , qui illum accusavit ; nam hic , nisi suam , vel suorum injuriam prosequantur , reaccusare accusatorem suum non permittuntur in pari , vel minori criminis , licet possint de majori *l. prius 1. & l. ne-ganda 19. C. de bis.* qui accusar. *2.* Qui taliter testimonium in causa criminali respectu ejusdem causae , nisi coactus tulerit *c. circa P. 19. b. tit.* quia ex tali testimonio presumitur oriens inimicitia inter testem , & eum , contra quem testis depositit. *3. Judæus , Pa-ganus , Hæreticus respectu Christiani , & Catholici can. pagani 25. caus. 2. q. 7.* quod circa Hæreticos in Germania non procedit ,

cum in hac Hæretici cum Catholicis mixti degant. *4. Laicus respectu Clerici c. cum P. cit.* quia horum accusatio presumitur ex odio proficisci. *5. Inimicis cohabitantes , & cum eis frequenter versantes ; quia ejusdem voluntatis , & affectionis esse credun-tur , cujus sunt ij , qui domestici , & fa-miliares sunt c. repelluntur 7. b. tit.*

**8. Ob conditionem Clerici , & Religio-si** , qui prohibentur accusare Laicos *can. ficut 6. caus. 2. q. 7.* tum quia accusatio est genus illaudabilis , intentionis *can. quis 50.* & *ibid. Gloss. V. illaudabilis q. cit.* ideoque Clericus se immiscere non debet hujusmodi odiosis litigij ; tum quia Clerici debent esse segregati à vita , & actionibus Laicorum. Abb. *in c. circa P. 15. n. 8. b. tit.* Farin. *q. 12. n. 12. y. linea 1.* Haun. *tom. 6. de j. & J. n. 2. q. 22.* Engl *bis n. 6.* Pirhing *n. 4.* Schambog. *n. 6.* Reiffenstuel *n. 19.* qui tamen distinguunt , utrum agatur ad publicam vindictam , vel solum ad private injuria satisfactionem ; nam *Si primus* , indistincte neganda est Clericis , & Religiosis authoritas accusandi , sive agatur ad posnam sanguinis , sive non , ob rationes allegatas. **Si secundum** , licet Laicum Clericus accusat , modò in casu , quo pro dilecto poena sanguinis imponenda venit , protestetur , quod non intendat agere ad vindictam , seu poenam sanguinis , vel aliam corporalem ; quia alias daretur Laicis ansa impune delinguendi in Clericos. Neque hoc casu Clericus irregularis efficitur , etiamsi dein *Judex* , infuper habita protestatione Clerici , reum condemnet ad poenam sanguinis ordinariam , in quo differt Clericus accusator , prosequens suam , suorum , vel Ecclesiæ suæ injuriam , à Clerico , deponente testimonium in hujusmodi causa , qui non obstante simili protestatione , Irregularis efficitur , si reus postea poenam mortis , vel mutilationis plectatur. Clar. *q. 24. n. 9.* Farin. *n. 12.* Pirhing *n. 4.* König *n. 13.*

**Dub. 3.** an haec tenus recentiti aliquando ad accusandum admitti possint ? *4.* Pierosque illorum in certis casibus ad accusandum admitti posse , imò debere. Et *1.* quidem , quando suam , ac suorum injuriam prosequuntur *can. de criminis 1. & can. seq. caus. 15. q. 3. l. certis 2. S. pupillis 1. ff. b. tit. l. de criminis 12. C. de bis.* qui accusar. *Suorum autem nomine cum Aut. Gomez.* Farin. *n. 52. fin.* vult intelligi hic consanguineos usque ad sextum gradum , ultra hunc reliquos reputari pro extraneis , nec prosequentem istorum injurias censerit prosequi injurias suorum.

**2.** In crimine laæ majestatis *l. in que 18. fitionibus 8. ff. ad Leg. Jul. Majest.* & alijs atrocissimis , uti est crimen Hæresis ; quia hac Majestatis criminis æquiparatur c. vergentis *10. de Heretic. c. item Simonie , Sacilegij , Latrocinij , Assassinij , Testimonij falsi , falla-*

et monetæ, fraudatæ annonæ, Censis, aut pecunia publicæ, per textus, aut arg. famosi 7. ff. ad Leg. Jul. Majest. & l. vix certis 5. ff. de Judic.

19. 3. Quando agitur de Ecclesiæ, vel Monasterij, aut alia utilitate publica arg. c. illa 3. c. nulli 5. & c. ex parte 11. b. tit. Et ex hoc capite Laicus, etiam extraneus, acculare potest Prælatum, vel alium Clericum super dissipatio[n]e bonorum Ecclesiæ. Clar. §. fū. q. 14. n. 21. Farin. q. 12. n. 13. ¶ si vero, Honor. bic n. 4. Pirhing ibid. n. 4. v. 2. prohibetur.

60. Dixi autem, plerosque ex enumeratis an 42. in recentissimis modis casibus admitti posse ad accusandum. Nam aliqui ne quidem in istis casibus admittuntur ad accusandum, alii verò in uno solum, vel altero.

Absolutè repelluntur 1. infantes, amentes, furiosi, quos defectus rationis à munere isto repellit. 2. Surdi, ac muti simi, si tales sint, ut mentem & voluntatem suam satis explicare non possint, ut perse patet. 3. Excommunicati Excommunicatione majore ob periculum participatio[n]is, quod periculum cum urgeat etiam in casibus à n. 57. recentissimis, ideo hujusmodi Excommunicati ne quidem in criminibus exceptis, aut quando se, suorūmque injuriam prosequuntur, ad accusandum admitti possunt. Decian. tr. crim. 8. 20. à n. 4. Excipitur casus rarissimus, quo verteretur causa boni publici, & hujus periculum alter, quam accusatione ab Excommunicato facta averi non posset. Ratio est, ut si Censura Ecclesiastica magis timeatur, Communionis periculum evitetur, & contumaciam vitium reprimatur. Farin. q. 12. n. 31. Pirhing bic n. 6. König n. 19. Reiffenstuel n. 26.

61. Limitatè ab accusando repelluntur. 1. Inimicus respectu ejus, respectu cuius inimicitias gerit; nam hic quidem admitti debet ad accusandum, quando suam, vel suorum injuriam prosequitur, ut notat Clar. §. fū. q. 14. n. 17. in fū. & Farin. q. 15. cit. n. 44. ubi rationem dat, quia alijs nullus accusando prosequi injuriam suam posset, cum omnes illi, qui prosequuntur suam, vel suorum injuriam, presumantur inimici esse accusato propter injuriam. Extra hunc casum tamen ab accusando inimico inimicus repellitur, etiam in criminibus exceptis Decian. tr. crim. l. 3. c. 25. n. 6. Farin. n. 39. & alijs apud istos: quia non minus Reip. interest, ne quis iniuste damnetur, quod facile fieret, si capitales inimici ad accusandum inimicum in criminibus prefatis admitterentur. Et extenditur hoc 1. etiam accutatus culpâ sua dederit causam inimicitia; nihilominus enim excipere potest contra inimicum accusatorem; dummodo causam inimicitia non dederit fraude, & dolo, ut nempe accusatorem posset re-

pellere. Abb. in e. repellantur, p. b. tit. n. 5. Decian. l. cit. n. 16. Reiffenstuel bic n. 25. fū. Extenditur 2. etiam si esset reconciliatus inimico suo, si reconciliatio sit recentis; secus, si dudum antea facta. Decian. n. 21. Farin. n. 41. ¶ duob. seqq. Pirhing n. 9. fū.

Extenditur 3. et si crimen opponat per modum Exceptionis tantum, si haec voluntaria sit, seu sponte opposita. Decian. n. 15. Farin. n. 40. ¶ amplia 2. Pirhing n. 9. cit. & sumitur ex e. memismus 13. b. tit. Extenditur 4. et si crimen, de quo accusare inimicum vult, sit notorium; quia non deerunt hoc casu alij accusatores, & si defint, ex officio inquiret Judge. Decian. n. 8. Farin. l. cit. Excipitur causa Hæresis; nam in hac accusare potest etiam inimicus; quia tunc dicitur prosequi suam injuriam, cum id, quod in Divinam Religionem committitur, in omnium inferatur injuriam. Decian. n. 7. Farin. n. 39.

2. Liberi Parentes suos, & Liberti<sup>62</sup> Patronos accusare quidem possunt in criminibus exceptis, ut ex criminis laicæ Majestatis cum communis expreſſe concedit Decian. l. 3. cit. c. 14. n. 23. de criminis Hæresis patet ean. legi 13. caus. 23. q. 8. & c. litteras 14. de presump. quod multo magis concedendum de consanguineis, & à tenera aetate alimentatis, cum minor istorum conjunctio, & minor obligatio ad reverentiam sit. Extra criminia excepta tamen accusatio Parentum, Patronorum &c. ipsis non permittitur, etiam quando propriam suam, aut suorum injuriam persecutur; sed sufficiet eo casu, si civiliter eosdem convenienter, casu, quo forte rerum suarum jaſtur ab ijs sunt passi, Engl. bīc n. 13.

3. Clerici agere quidem civiliter contra Laicos possunt, prosequendo suam, suorum, vel Ecclesiæ suæ injuriam, cum protestatione, quod non intendant peccatum sanguinis, ut dictum est supra n. 56. criminaliter tamen accusare illos etiam in criminibus exceptis nequeunt, ob Irregularitatis periculum, quam incurerent casu, quo ad ipsorum accusationem reus plecteretur pena mortis, vel mutilationis. Interim tamen nihil obstat, quo minus Parochus, vel Concionator absque speciali designatio[n]e hominis, vel peccati in genere monere posse Magistratus, ut pro securitate publica, & ad scandalum vitandum Justitiam administrent, & in malefactores inquirant. Engl. bic n. 7.

Dub. 4. an Clerici, praesertim familiares, acculare possint Episcopum suum, vel Religiosi Abbatem, aut Prælatum suum? Videntur non posse ob reverentiam, & obedientiam ipsis debitam.

Sed aperte Juris est, utrisque permissam esse accusationem, Clericis quidem respectu Episcopi c. nulli 5. b. tit.

Relis

B 3

Religiosis verò respectu Abbatis , aut Præpositi sui Regularis c. illa 2. & c. ex parte 2. eod. quod ea spectet utilitatem Ecclesiæ , vel Monasterij , cuius interest , pro Pastore , & Administratore non habere Lupum , aut Dissipatorem . Barbos. in c. illa cit. n. 2. & in c. c. ex parte n. 2. Gonzal. ibid. n. 2. & in c. 2. eod. n. 3. Vallenf. hic §. 2. n. 6. Canis. n. 4. fin. Zos. n. 2. Honor. n. 6. Pirhing n. 10. Schambog. n. 8. König n. 14. Reiffenstuel n. 19. Et procedit etiam de Fratribus Conversis , seu Laicis ; nam cùm horum etiam interfit habere bonum Prælatum , ad hunc accusandum admitti debent . Abb. in c. 2. cit. n. 2. Pirhing n. 13. Antequam tamen Religiosus admittatur ad accusandum suum Prælatum , præmitti Summaria cause cognitio debet , quâ disquiratur , etiam in abuentia partium , ac acculare volens procedat bono , vel malo zelo ; nam si alij sine tali prævia inquisitione non accusant , multo minus accusare Prælatum Religiosus permititi debet . Joann. Andr. in c. cit. n. 9. Abb. n. 2. 9. Pirhing n. 11.

65 Ubi de bono zelo accusare volentis constiterit , provolare iste ad accusationem Prælati sui potest , etiam venia ad accusandum ab hoc non impetrata , vel petita ; quia forte eam negaret . Abb. in c. ex parte cit. n. 6. Durand. Specul. de Actore §. un. n. 19. Sanch. l. 6. moral. c. 12. n. 19. Barbos. in c. ex parte cit. n. 2. Pirhing hic n. 10. not. 1. Schambog. n. 10. Wielchner n. 84. cum alijs. Quoties verò Religiosus accusat Abbatem suum , sunt ei ministranda de rebus Monasterij expensæ litis , usque dum haec debitum finem accipiatur , prout deciditur c. ex parte cit. & redditur ibi ratio , quia Monachus proprium non habet . Quod intelligendum non solum de expensis ad vitium , sed etiam de ijs , quæ necessariæ sunt ad item prosequendam . Glos. fin. in c. ex parte cit. Joann. Andr. ibid. in fin. Anch. n. 3. Abb. n. 9. Felin. n. 4. Sanch. l. cit. n. 20. Pirhing hic n. 11. Idque verum est . si ve Monachus accuset , sive denuntiet Abbatem ; nam licet textus c. ex parte cit. loquatur de accusatione , eadem tamen est ratio de denuntiatione , ut cum cit. advertit In- noc. in c. cit. fin.

66 Excipiendi tamen sunt tres casus , in quibus Monasterium Religioso suo subministrare expensas pro lite non tenetur . Et 1. quidem , si Religiosus Abbatem accusans habeat peculium aliquod ; quia tunc cessat ratio c. ex parte cit. nempe quod Religiosus aliunde non habeat , ex quo solvat expensas . Abb. in c. cit. n. 9. Felin. n. 4. Sanch. n. 21. Pirhing n. 12. 2. Si accuset ob causam non Monasterij , sed propriam . Sanch. n. 23. Et idem dicendum , si prosequatur causam Electionis sue , quæ electus est ad Dignitatem extra Monasterium : securus , si eligatur ad Prælaturam in suo Monasterio ;

nam tunc Monasterium tenetur ministrare expensas necessarias ad item sibi super electione motam , cùm ejus interfit . Felin. n. 4. Sanch. n. 26. Pirhing n. 11. 3. Si Monachus alium , quam Abbatem accuset , Glos. in can. cùm pastor ss. V. eod. casu 2. q. 7. Pirhing l. cit.

Similiter Abbatii accusato à Monachis debet Monasterium tribuere expensas ad se defendendum , usque ad finem litis ; quia etiam Monasterij interest non deponi Abbatem culpe expertem . Glos. in c. ex parte cit. V. alio , Joan. Andr. ibid. n. 8. Abb. n. 15. Sanch. n. 24. Pirhing n. 11. Idque extenditur etiam , quando Abbas removetus est ab administratione , sive ab illa suspensus ; adhuc enim debent illi subministrari expensæ à Monasterio ad se defendendum : securus , si esset omnino privatus titulo , i.e. verè , ac realiter depositus , cùm tunc nihil amplius habeat commune cum Monasterio . Ita cit. Nunquam tamen Abbatii Monasterium subministrare teneat expensas , ut se defendat , quando habet peculium ad id sufficiens . Sanch. l. cit.

Neque contrarium probat reverentia & obedientia debita Episcopo , vel Abbatii , cùm clari Juris textus accusationem permittat . Hoc solum sequitur , quod à tali Religioso propria non minor obedientia prætendenda sit Prælato . Excipitur casus , quo præciperet , ut ab accusatione desistatur ; tale enim præceptum , tanquam iustum , & in Ecclesiæ , vel Monasterij detrimentum cedens , non obligaret c. olim 26. b. tit.

Dub. 5. quando accusare permittantur Servi §. 1. Regulariter quidem , ut dictum est supra n. 44. non permitti Servis protestatam accusandi : quod verum est , etiam si suam propriam injuriam vellent prosequi . Glos. in can. omnibus 2. caus. 4. q. 6. Decian. tr. crim. l. 3. 6. 8. n. 2. nisi hanc contra ipsius patronum vellet prosequi in casu statim referendo . Et intelligendum hoc etiam est de Statu Liberis , ut patet ex l. statu libert. 29. pr. ff. de stat. liber. ubi dicitur , quod Statu liberi nihil penè à Servis differant , maxime in criminalibus .

Plures tamen sunt casus , in quibus Servi ad accusandum admittuntur . Et 1. quidem in criminibus exceptis . Decian. c. 8. cit. n. 4. & quinque seqq. 2. Quando Servus communis opinione pro libero habitus fuit ; nam tali casu Accusatio ejus valet arg. l. Barbarius 3. ff. de Officio Fratror. 3. Quando accusavit , & nil ipsi fuit oppositum , vel supplicavit , & impetravit Recrimptum ; quia tunc poterit accusationem prosequi , & impetrata exequi l. universis 6. C. de precib. Imper. offerend. 4. Quando vulnus accusare interfectorem Domini sui l. licet 1. C. eod. cuius textus Constitutio licet loquatur tantum de Supplicatione , ob pa-

ritatem tamen rationis procedit etiam in Accusatione; nam Supplicationem Servi, deferentis intersectorum Domini sui, duæ causæ admitti faciunt, atrocitas scilicet criminis, & fidei exemplum, quæ rationes etiam suadent deferendum ejusdem Accusationi. *Conf. ex l. quoniam 1. C. pro quib. easf. Serv. pro prem. libert. accip.* ubi Servus, si necem domini accusaverit, & ejus necis reum convicerit, pro præmio libertatem consequitur. Ergo necesse est, ut accusatio ejus prius legitima fuerit.

<sup>71</sup> Utrum verò, & quibus casibus Servus accusare dominum suum possit, controversia est inter DD. Antonius Matthæus de crim. tit. de Accusat. c. 1. n. 4. putat, accusationem Domini Servo solum concedi in crimine leæ majeftatis, nixus textu l. *siquis 30. C. de his*, qui accusar. ibi, Majestatis autem crimen tantum excipimus. Sed clari sunt textus l. vix certis 33. pr. ff. de Judic. & l. nullo y. ff. ad Leg. Cornel. de fals. ubi Servus permittitur accusare dominum suum de suppressionis tabulis Testamenti, quo libertas sibi dabatur. Hinc alij ad Legum correctionem excludendam ex l. *siquis sit*. eliminant particulam taxativam *Tantum*: nec sine fundamento, nam in l. m. *Cod. Theodos.* ne propt. crimin. serv. ubi ea Constitutio reperitur, particula ista non ponitur, ut advertit Gonzal. in c. 1. b. tit. n. 8. circ. princ.

<sup>72</sup> Quæritur 4. quinam accusari possint? Acculari possunt generaliter delinquentes omnes, nulla ætatis, vel sexus habita ratione, modo non careant usu rationis ad delinquendum requisito, & Lege non prohibeantur. Clar. §. fin. q. 16. n. 1. Wefenbec. ff. b. tit. n. 10. Rosbach. prax. crim. tit. 1. c. 9. n. 1. Pithing hic n. 23. Reiffenstuel ibid. n. 34. Magnif. P. Schmier tr. de Delict. p. 1. c. 4. n. 33.

<sup>73</sup> Prohibentur autem accusari i. infantes, furiosi, amentes; nam illos innocentia confundit, hos calamitas, & fati infelicitas excusat, ut dicitur l. *infans 12. ff. ad Leg. Corn. de Sicar.* Et hoc adeo verum est, ut furiosus, qui ante furorem homicidium, vel aliud delictum capitale commisit, donec respiccat, nec reus postulari, nec ultimo supplicio, aut poenæ corporali addici possit, cum sati ipso furore puniatur l. *Divus 14. ff. de Offic. Presid.* Ita post Bald. Josan. Rip. tenent Clar. §. fin. q. 60. n. 7. Gaill. l. 2. obs. 110. n. 22. König hic n. 33. contra Fachin. l. 9. contr. c. 3. Excipitur, si crimen sit atrocissimum; pro hoc enim etiam furiosum propter exemplum puniri posse, nota Hippol. in l. 1. n. 58. ff. ad leg. Corn. de Sicar. cum etiam pecora rationis expertia eo casu morte puniantur, non propter conscientiam peccati, sed quia refrinant indignam memoriam facti.

<sup>74</sup> 2. Minores 25. annis, si puberes, aut paupertati proximi, & doli capaces sunt,

accusari quidem possunt, sed non aliter, quam dato à Judge Curatore, qui liti, aut causæ afflstat, & in ea autoritatem praeter alias processus, & Judicium irritum, ac nullum erit l. claram 4. C. de Author. prestant. Idquo obtinet, quantumvis Minor accusatus Patrem habeat, qui legitimus ejusdem Administrator est; nam etiam tunc Judge in causa criminali illi Curatorem dabit vel ipsum patrem, vel alium quemcunque idoneum, si ita vistum eidem fuerit, quod legitima Patris administratio solum pertineat ad bona adventitia filij, & lites super his motas & res, que 1. C. de bon. matres. quod procedit, spectato jure communī; nam praxis nullum penitus Curatorem minori adefit finit, teste Carpzov. prax. crim. p. 3. q. 143. n. 32. König hic n. 34. Reiffenstuel ib. n. 35.

<sup>75</sup> 3. Frustra accusant servi de criminibus, quæ vel Civitatis amissionem, vel pecuniam pecuniariam secum ferunt; quia cum nec Civitatem, nec proprij quidquam habeant, poena hujusmodi in eos non cadit, sed durior eis extra ordinem imminebit l. *hos accusare 12. §. fin. ff. b. tit.*

<sup>76</sup> 4. Accusari regulariter nequeunt ante condemnationem mortui, ut habetur l. ex judiciorum 20. ff. b. tit. l. similes 1. & seqq. C. si reus, vel accusat. mort. Quia crimina mortalitate extinguntur. l. fin. ff. ad leg. Jul. Majest. unde nec in hæredes poena Delicti transit l. ex judiciorum cit. l. si poena 20. & l. crimen 26. ff. de penis, cum æquitas postulet, ut delicta suos teneant Authores, nec ulterius progrediatur metus poenæ, quam delictum reperiatur l. *sancimus 22. C. eod.* Reiffenstuel hic n. 37. Excipitur repetundarum, & Majestatis (non quomodocunque, sed perdueilione, & hostili animo in Remp. vel Principem) læſæ judicium, item Hæresis, & alia similia crimina; hæc enim Judge etiam mortuis reis, cum quibus nihil actum est, adhuc exerceri placuit, ut bona eorum fisco vindicentur l. ex judiciorum & l. fin. citt. l. *Manichæos 4. §. in mortem 4. C. de Hereticis.* Quodsi lis cum defuncto contestata, & condemnata, præsertim ad pecuniam pecuniariam, secuta fuerit, antequam condemnatus obiit, vel accusatus sibi mortem concivit, poena bonorum ademptionis adversus hærides ejusdem transit l. ex judiciorum cit. Clar. §. fin. q. 51. n. 16. Rosbach. prax. crim. tit. l. c. 9. n. 2. König hic n. 45.

<sup>77</sup> 5. Accusari nemo regulariter potest. l. *lapsum sit tempus*, quo Actionibus criminalibus prescribitur; sicut enim in Actionibus Civilibus, ita & in causis criminalibus certum constitutum est tempus, quo elapsa Delictum obliteratur, & nulla amplius accusatio, vel inquisitio admittitur, usque adeo, ut Judge hujus Exceptionis, quamvis à reo non opponatur, vel allegetur, rationem habere debeat, cum ex officio suo pro defen-

fensione Rei labōrare teneatur arg. l. bie  
titulus 1. §. generaliter 1. ff. de Legat. pre-  
stand. l. de pretio 3. ff. de Publ. in rem action.  
l. si non 19. ff. de Pēnis, l. in crimibus 1. ff.  
de Question. Autb. qui senet C. quomodo §  
quād. Jud. cūm publicē interfit, innocentes  
defendi l. servum 33. §. publicē s. ff. de Procu-  
rator. Carpzov. Jurispr. for. p. 1. conf. 25.  
defin. 3. Et hinc si deprehendat Judex,  
actionem criminalem esse præscriptione sub-  
latam, non magis tunc poterit condemnare  
reum, quād si anteas fuisse punitus;  
quia Satisfactio criminis, & præscriptio pa-  
ri passu ambulant l. sed si 17. §. ante judi-  
cium 6. ff. de injur. Boēt. decif. 26. n. 12.  
Carpzov. l. cit. n. 2. § 3. Proceditque  
hoc, etiam si reus post præscriptionem tem-  
poris fateatur Delictum à se commissum, aut  
aliunde illud fiat notorium; quia per præscrip-  
tionem non tantum accusatio, sed ipsum reum  
etiam maleficiū aboletur. Farin. prax. crim.  
q. 10. n. 14. Carpz. l. cit. n. 4. Quomodo  
autem aboleatur Delictum præscriptione  
temporis, dicitur infra n. 121.

78. 6. Accusari non possunt Supremi Prin-  
cipes. Superiorē in terris non recogno-  
scētes, etiam in solis temporalibus. Host.  
Sum. hic n. 7. Talis in Spiritualibus est Sum-  
mus Pontifex, cuius causa à nemine, quād  
DEO iudicatur, nisi causa sit Hæresis can. si  
papa 6. dist. 40. In temporalibus Imperator,  
qui licet in Civilibus arbitrium Electoris  
Palatini sponte eligat juxta Auream Bullam  
tit. 5. §. 3. in Criminalibus tamen Judicem,  
aut Arbitrum non habet. Vitriar. Inf. Jur.  
Publ. l. 3. tit. 12. n. 17. Rhetius simili tr. l.  
1. tit. 4. n. 64. Magnif. P. Schmier p. 1. de Delict. c. 4.  
n. 37.

79. 7. Nequeunt accusari Legati Impera-  
toris, iterum Magistratus populi, durante  
eorum officio, nisi circa hoc delinquant, &  
qui Reip. causā absunt, prout habetur l. hos  
accusare 12. ff. b. tit. in his enim executio ac-  
cusationis difserit usque ad depositionem  
officij, data interim cautione de Judicio fisti  
l. si adulterium 38. §. fin. ff. ad Leg. Jul. de  
adult. Canis. l. 4. summ. tit. 19. §. 10. König  
hic n. 38. Reiffenstuel ibid. n. 39. Ad-  
didi, Nisi delinquant circa suum Officium;  
nam de Delictis factis in Officio bene conve-  
ni Magistratus possunt. Rosbach. prax.  
crim. tit. 1. c. 8. n. 14. Haun. tom. 6. de  
J. & J. tr. 3. n. 39. Ratio est, quia  
tempore Magistratus delinquendo inhono-  
rant ipsam suam dignitatem, & offendunt  
Supremum Principem, aut Remp. à qua Ma-  
gistratum acceperunt, modo speciali; digni  
proinde sunt, qui etiam, durante Magistra-  
tu, accusari, & puniri possint, ut hoc mo-  
do frenum habeant rite suum officium ad-  
ministrandi. Cautus tamen, & circumspe-  
ctus sit Magistratus Superior, ne ante de-  
cernat Processum, quād Delicto delato,  
validis, ac certis indicij instruatur, ne alio-

quin quisque subditorum pravo affectu,  
vel odio corruptus aduersus Magistratum  
suum præsumat insurgere arg. l. Pretor. 7. §.  
præterea 2. v. nec patietur ff. de Injur. quia re-  
gulariter præsumitur pro Magistratu, nisi alia  
conjectura sit in contrarium. Gaill. l. 1. obs.  
17. n. 6. § 7. König hic n. 38.

Dub. 1. utrum absentes possint accu-  
sari? 2. Proponi quidem accusationem  
contra absentem posse, ut accusatus cite-  
tur à Judice ad comparendum. Quodsi ta-  
men ille legitimè citatus non comparuerit,  
nec realiter citari, seu corporaliter appre-  
hendi possit (quia fortasse profugus est, aut  
Judex, sub cuius districtu latet, non pra-  
bet alteri Judici auxiliares manus) interest,  
an crimen tale sit, ut mereatur solum po-  
nam pecuniariam, aut quæ existimationem  
contingit; an verò tale, ex quo poena cor-  
poralis, vel in metallum, aut alia simili re-  
legatione major infligenda venit.

Si primum, poterit accusatio unā cum 83  
Judicio criminali ad finem usque perduci, &  
poena illa in absentem, si prius admittit  
per contumaciam absit, statui, ac procedi  
usque ad relegationem. Brunnem, in l. ab-  
sentem 6. C. de Pēnis n. 3. Vallenf. hic §. 3.  
n. 3. Magnif. P. Schmier p. 1. de Delict. c. 4.  
n. 37.

Si secundum, accusatio unā cum Judi-  
cio manet suspensa; neque enim, inaudita cau-  
sa, quenquam damnari æquitatis ratio patitur,  
ut dicitur l. Divi 1. ff. de requirend. vel absen-  
tib. damnand. Solum ergo annotabuntur  
ipsius bona, h. e. à Judice obsignantur, sive  
arrestantur, ut si intra annum redierit, & se  
purgaverit, integrum rem suam recipiat. Sin  
autem labi eundem passus sit, bona ejus  
omnia annotata in fiscum deferuntur, se-  
quente infamia, poena autem alia non infer-  
tur l. fin. ff. eod. nisi intra annum deceperit,  
quo casu expirabit criminis causa, & bona  
ejus transmittuntur ad successores l. Divi cit.  
§. fin. Brunnem. l. cit. Engi hic n. 19. König  
n. 39. Sed licet hoc ita sit, specta-  
to Jure tamen, ut Farin. q. 11. n. 3. 7.  
præmitto 4. & Brunnemann. l. cit. n. 4. ad-  
vertunt, quod de annotatione dictum, &  
quod annus exspectari debeat, non ita vide-  
tur hodie observari. Et ideo si absens, &  
contumax, sicutque pro confessio habitus com-  
pareat ante sententiam, omnia evanescunt,  
& acta præcedentia resolvuntur in vim sim-  
pliæ citationis, auditürque accusatus &  
quoad bona, & quoad personam. Si ve-  
ro post sententiam ad manus Curiae venerit,  
nec quoad bona, nec quoad personam au-  
ditur, sed absque alio processu sententia  
contrâ eum lata lata executioni mandatur. Farin. l.  
cit. Videantur dicta Libr. 1. tit. 2. n. 61

Dub. 2. an accusari quis possit à plu-  
ribus? 3. Interesse, an plures isti ve-  
lin accusare reum super eodem criminis  
an super diverso. Super eodem criminis plu-

res simul ad accusandum admittuntur tum solum, quando omnium specialiter interest accusationem moveri, prout colligitur ex l. si accusatoribus & C. b. tit. & notat ibi Brunnen, n. 3, in ceteris casibus, si plures accusent, Judex unum ex illis, qui aetate, moribus, & dignitate, vel alia qualitate reliquos praeceluerit, eliget l. si plures 16. ff. b. tit. Lauterbach ibid. §. 7. Magnif. P. Schmier p. 1. de Delict. c. 4. n. 33. Proceditque hoc, si plures illi simul accusacionem proponant, siue pendente accusatione, ab uno proposita, alij accusatores superveniant; nam generaliter l. bi tamen 11. §. fin. b. tit. statuit quod ab alio delatum alius deferre non possit: cui concordat l. qui de criminis 9. C. eod. Excipitur, quando accusacione pendente prior accusator deceperit, vel ab ea destitutus, quia v. g. abolitio privata intervenit, aut pactum, vel transactio, utpote quae eundem quidem ab accusatione excludunt l. qui desiderit & ff. ad S. C. Turpill. non vero alium §. fin. cit. König bic n. 40.

<sup>84</sup> Contra super diverso crimine, et si ex eodem facto nascatur, nihil obstat, quin de uno accusatus, de altero ab alio accusetur l. qui de crimine cit. Sic qui occidit hominem in Ecclesia, & homicidij, & sacrilegij; qui vivit in foro alij noctam, tam adulterij, quam incestus a diversis Accusatoribus reus agi potest l. nunquam 2. ff. de privat. Delict. l. si adulterium 38. ff. ad leg. Jul. de adult. l. sequi 10. C. de Episc. & Cleric. Schneidev. ad Loß. de Public. Jud. n. 7. König l. cit.

<sup>85</sup> Dub. 3. an accusari aliquis possit de crimine, de quo ille nullam laborat infamia? Ratio dubitandi est, quia accusatione, quam non praedit infamia, leditur existimatio delinquentis. Igitur cum Lex Charitatis prohibeat, famam, & existimationem alterius per crimini occulti manifestationem laedi, ut licita sit accusatio, praecedere illam infamia debet. Conf. quia ad Criminum punitionem procedendum est secundum notitiam publicam, atqui sic non procederetur, si nullam praecedente infamiam, institueretur accusatio. Ergo &c.

<sup>86</sup> Sed tenenda est affirmativa Sententia, quam etiam defendant S. Thom. 2. 2. q. 68. art. 1. ad 3. Card. de Lug. de J. & J. D. 37. n. 76. & 77. quos citat, & sequitur P. Wiesner bic n. 40. quia nullo Jure requiritur, ut accusationem praecedat infamia: textus autem, qui ad criminale Processum exigunt diffamationem delinquentis, vel alia indica criminis huic equipollentia, intelligi debent de casu, quo Judex procedit per viam Inquisitionis.

<sup>87</sup> Ad Rationem dubitandi delinquentis occulti accusatio adversari Charitati, & Justitiae nequit, cum spectet ad Reip. utilitatem publicam, utpote cui bonum privatum debet cedere. Ad Conf. notitia publica non R. P. Schmalzgrueber L. V. T. I.

tantum obtinetur per diffamationem, & indicia huic equipollentia, sed etiam per depositiones testium, quos accusator producit, & per alias allegationes, quibus crimen esse occultum definit, & incipi fieri publicum, ut l. cit. observat Doctor Angelicus,

Dub. 4. an reus criminis accusari de eo possit, nullam praevia admonitione secreta? Aliqui cum Sylv. V. Accusatio q. 3. putant necessario præmittendam admonitionem secretam juxta illud, Si peccaverit in te frater tuus, corripe eum inter te, & ipsum solum. Matth. 18. v. 14. Alij contra cum Gios. in c. licet 31. V. inscriptio de Simon. S. Thom. in 4. dist. 19. q. 2. art. 3. quest. 1. Abul. in Matib. l. cit. q. 97. ad 6. Wagnereck in c. 1. V. postquam b. tit. negant eam monitionem necessariam præmittendam.

Concordari Sententia ista ope distin<sup>89</sup>ctionis possunt, quia utuntur Sanch. l. 6. conf. dub. 28. n. 6. Less. l. 2. de Just. c. 30. n. 10. & trib. seqq. Wiesner hic n. 42. & 43. Magnif. P. Schmier p. 1. de Delict. c. 4. n. 27. & 28. Vel enim crimen omnino occultum, & certa spes est delinquentem secreta monitione corrigendum, & damnum eo illatum, vel inferendum tertio, aut Reip. justa satisfactione compensandum, aut impediendum; vel contra reus jam est diffamatus de crimen, aut si diffamatus non est, prævidetur damnum, inde imminens tertio, vel Reip. non tollendum, vel impediendum.

Si primum monitionem præmitti ac<sup>50</sup>cusationi Lex Charitatis præcipit, utpote quia docemur, ut minimo, quo possemus, dispendio proximi publica, & privata damage tollamus, & avertamus: quamvis accusans, ea monitione omessa, contra Justitiam non delinquat, modo crimen sit probabile in Judicio, ut recte advertit Less. l. cit. n. 10. & rationem dat; quia tunc propter bonum publicum concessa est accusatio, ut crima in aliorum exemplum puniantur, siveque omnes a malo absterrentur: unde reus non potest queri de injuria sibi illata, quod ante non fuerit monitus,

Si secundum, nulla opus est monitio<sup>91</sup>ne, sed statim deferri crimen ad Judicem potest, & casu, quo aliter damage Reip. vel etiam privato imminens averti non potest, debet; quia periculum, quod Reip. vel privato innocentis imminet, est majoris momenti, quam infamia, & damage omne, quod reus ex accusatione incurrit. Neque hic, ut recte monet Less. n. 13. scrupulosè examinationum est, an forte reus privata emendatione sit emendandus; quia in re tanti momenti eligendum est id, quod tutius est;

facile enim posset talis privatum monitus simulare emendationem, & penitentiam, ac interea occulere equi, quae deflaverit. Itaque in hujusmodi Delictis, quae in Reip. vel tertii innocentis detrimentum vergunt,

nisi certò constet, privata monitione periculum caveri posse, ea non est adhibenda: securus est in alijs delictis, ex quibus non impender incommodum, nisi ipsi peccatori.

Dub. 5. an accusari de crimine iterum possit, qui de eo per sententiam semel est absolutus? Videtur respondendum affirmativè, quod res, inter alios acta, iij tantum, inter quos acta est, non etiam alijs præjudicet. & quamvis 25. de sent. & re judic. l. si neque 1. & l. res inter 2. C. quib. res judic. non noc. Quod verum etiam est in criminalibus, ut patet ex l. Juri: 3. C. eod. ubi Imperatores, yatis manifestissimi est, inquit, & in accusationibus his, qui congressi in Judicio non sunt, officere non posse, siquid forte prejudicij videatur oblatum.

Sed dicendum, postquam reus de aliquo crimen semel est absolutus, eum neque ab eodem, neque ab alijs de eodem crimen regulariter accusari posse. Clar. §. fin. q. 57. n. 1. Covar. l. 2. var. c. 10. pr. Decian. tr. crim. l. 3. c. 30. n. 1. Farin. prax. crim. q. 1. n. 51. Barbos. in c. 6. b. tit. n. 1. Gonzal. ibid. n. 2. & seqq. Haun. tom. 6. de J. & J. tr. 3. n. 40. Vallenf. hic §. 2. n. 2. Canil. ibid. n. 4. Zaf. n. 5. Honor. n. 12. Engl. n. 15. Pirhing. n. 24. König n. 41. Wiestner n. 49. Reiffenstuel. n. 41. Magnif. P. Schmier p. 1. de Delict. c. 4. n. 38. & alij magno numero apud Barbos. l. cit. n. 2. propter claros textus c. de bis 6. b. tit. l. si cui 7. §. ijjdem junct. Gloss. V. accusari, l. senatus 14. ff. & l. qui de criminis 9. C. eod. Ratio est, quia de delicto hominis non debet sibi quisquer l. licet 6. §. fin. ff. naute, caupones &c. alioquin nulla reo confitaret fides, & ratio innocentia sua. Zaf. ff. b. tit. n. 20. Conf. quia accusaturo obstat Exceptio rei judicata; cum enim, ut pulchre Donell. in l. sepe 63. ff. de re judic. Accusatio, respiciens publicum interesse, omnibus collectivè de populo competat, is, qui criminaliter agit, totum Jus populi in Judicium deduxisse censeatur: proinde cum omnes censeantur egisse, superato per Sententiam absolvitoriam illo Judicio, omnibus populum, & Remp. constituentibus præjudicabitur.

Dixi, de eodem criminis; nam de alio criminis, et si ex facto prioris criminis ortum sit, accusari reus denuo potest, ut patet ex l. qui de criminis cit. & notat ibid. Brunnen. n. 6. Gonzal. in c. 6. b. tit. n. 4. circ. med. Wiestner hic n. 49. Unde si quis vitiauit sororem suam alij nuptam, absolutus de criminis Incestus, adhuc accusari potest de Adulterio; diversa enim crima non tam numero factorum, quam ratione, & qualitate estimantur. Gonzal. l. cit. Addidi regulariter; nam varijs casus sunt, quibus iterata ejusdem criminis Accusatio permissa est.

Et i. quidem, si de criminis civiliter tantum, & ad privatum interesse prius est

actum l. un. C. quand. civil. act. criminal. prejud. Gomez. l. cit. n. 7. Pirhing hic n. 26. limit. 4. Wiestner ibid. n. 50.

2. Si cum criminaliter ageretur reus absolutus, vel condemnatus solùm est per viam Exceptionis, si hæc proposita sit in Judicio non ad puniendum, sed ad removendum ab accusatione, vel testificatione. Abb. in c. 6. b. tit. n. 3. Felin. ibid. n. 4. & 5. Decian. tr. crim. c. 30. n. 2. fin. Pirh. l. cit. limit. 6. Wiestner n. 50. Secus esset, si proposita in Judicio fuisset Exceptio ad eum finem, ad quem proponi accusatio solet; tunc enim de criminis per Exceptionem proposito absolutus non posset amplius accusari. Decian. l. cit.

3. Si cum per viam Accusationis procederetur, reus absolutus duntaxat fuit ab observatione Judicij can. prohibentur 14. junct. Gloss. V. absolutio caus. 2. q. 1. l. libellorum 3. §. quodsi libelli 1. ff. hoc tit. dummodo alius accusat, non autem primus accusator; quia hic ob iniuriam, quæ finita etiam accusatione, remanere censetur, ab accusando repellitur, saltem de Jure Canonico. Covar. l. 2. var. c. 10. n. 1. Decian. c. 30. cit. n. 27. Gonzal. in c. 6. hoc tit. n. 7. Vallenf. hic §. 2. n. 2. Pirhing. n. 25. Wiestner n. 51.

4. Si à criminis accusatione liberatus est per viam Transactionis; nam eo casu, licet accusationem non possit repetere ille, cum quo transactum est, potest tamen alius, instituto novo Processu. Abb. in c. 6. cit. n. 3. Felin. ibid. n. 3. limit. 2. Covar. c. 10. cit. n. 5. limit. 9. Clar. S. fin. q. 57. n. 6. junct. q. 58. n. 4. Pirhing hic n. 26. limit. 5. Wiestner ibid. n. 52.

5. Si secundus accusator probet, aut saltem indicia afferat accusationis non fideliter instituta, vel collusionis inter primum accusatorem, & reum accusatum l. prevaricationis 3. §. nam si 1. ff. de Prevarication. l. quis 11. C. hoc tit. Gloss. in c. 6. ¶. repli- cari hoc tit. Felin. ibid. n. 11. Clar. q. 57. n. 5. Covar. n. 1. limit. 2. Decian. n. 22. Vallenf. hic §. 2. n. 2. Pirhing n. 25. Engl. n. 15. König n. 41. Wiestner n. 53. Ratios dat Clar. l. cit. quia non debet dolus primi accusatoris obesse secundo accusare volunti, pro quo stat favor publicus, ne criminis maneat impunita.

6. Si accusator secundus suam, aut suorum injuriam prosequatur, & per proprium Juramentum doceat, se accusacionem ab alio institutam ignorasse l. si cui 7. §. ijjdem 2. ff. hoc tit. Gloss. fin. in c. 6. cit. Abb. ibid. n. 9. Felin. n. 12. Covar. limit. 3. Decian. n. 23. cum proximè cit.

7. Si absolutus, aut punitus tantum fuit in foro conscientiæ interno; quia in hoc accusatio, & punitio tantum tendit ad reconciliationem DEI peccato offensi, non vero ad vindictam publicam, & satisfactionem l.

se Reip. Gloss. s. in c. cit. Abb. n. 3. Clar. n. 30. Decian. n. 22. Barbos. in c. cit. n. 8. Pirhing n. 27. Wieschner n. 54. Idque procedit, etiam si delinquenti publica Possentia sua imposta a Sacerdote; quia & haec imponitur ad satisfactionem praestandam DEO, & ad tollendum scandalum, non vero ad satisfactionem Reip. laesa. Covar. n. 3. cum cit. Et hinc etiam per suscepionem Baptisici non tollitur accusatio criminis ante illum commissi; quia Baptismus tollit quidem peccatum, & poenam peccati, que huic infligitur a DEO, non autem tollit poenam, que imponitur in foro judiciali humano, cum ius qualiterum Reip. ad satisfactionem pro lesione petendam nequamquam auferat, sicut etiam non auferat ius qualiterum tertio. Pirhing l. cit. cum caseris.

3. Denique, si crimen sit fori mixti, v. g. adulterium, usura, sacrilegium, magia &c. ut patet ex dictis Libr. 2. Tit. 1. n. 63.

**¶ 64.** Ad Ratiocinem dubitandi n. 9. allata dico, regulam illam solum procedere in casibus hactenus allatis.

Queritur 5. quæ sint partes Judicis in admittenda accusatione, & Accusatoris in hac proponenda? **E**t 1. quidem dubitatur, an Judex ex officio repellere possit Accusatorem inhabilem, seu non idoneum, etiamsi pars contra illum non excipiat? **W**is affirmativa. Sumitur ex c. § legitimus 1. hoc ist. ubi statuit, ut § legitimus nos fuerit accusator, non fatigetur accusatus. Idque verum est, sive accusatus contra illum excipiat, sive non excipiat; nam textus generaliter loquitur, igitur etiam non excipiente accusato, ex officio Judex repellere Accusatorem illegitimum debet, & ipsum accusatum absolvere ab observatione Judicij. Gonzal. in c. § legitimus cit. n. 9. sicut enim Reip. interest delicta deregri, & in Judicium deduci ad publicam vindictam, ita etiam illi expedit, ne ab omnibus proposita accusatione fatigetur accusatus; alioquin eveniet sepe superius, ut innocentes privato odio per iniquas accusations fatigentur, nocentes contra Adversarij prævaricationes, vel tergiversatione evadant poenam.

Quod fakem verum est, quando accusator est omnino, & prorsus inhabilis, puta Iudeus, infamis, & similes, qui repelluntur odio ipsius personæ; nam certos, qui non sunt omnino inhabiles, sed expresso, vel tacito parium consensu habilitari possunt, parte non opponente, Judex ex officio ab accusationis munere non repellit, quippe qui hoc ipso, quod pars contra eos non opposuerit, habilitati censentur. Item notandum est, an ab accusatore inhabili accusatus, fuerit infamatus; tunc enim, licet Judex repellere tales accusatorem possit ex officio, absolvere tamen accusatum non statim debet, sed prius indicere eidem Pur-

R. P. Schmalzgrüber L. V. T. I.

gationem Canonica con. Presbyter 13. cap. 2. q. 5.

**E**x quo sequitur, quod enī omnia querendum sit de legitimitate, sive habilitate personarum, que ligare volunt in Judicio, arg. l. § querens & § qui testam facer. poss. Abb. n. 1. hoc ist. n. 1. Pirhing hic n. 13. Et cum Excepio haec, quod accusator non sit legitimus, Dilataris sit, ideo ante item contestatam proponenda est, nec potest pastore opponi, nisi reue ignoraverit hanc Exceptionem sibi competere. Abb. n. c. cit. n. 2. Pirhing l. cit. fin. Judici tamen per hoc, quod Excepio ista non sit opposita legitimo tempore, non prejudicatur; quia accusans solum proprio, non Reip. qualiter Juri remuniri potest. Et hinc licet privatus ob culpam, vel defectum suum non admiratur ad repellendum accusatorem suum, potest tamen Judex ratione Reip. illum repellere; quia illegitimus accusator non tantum ob commodum accusati, sed etiam ob dignitatem Judicis, & comodum Reip. repellit debet. Pirhing hic n. 16.

Hodie tamen, quia per consuetudinem in plerisque locis abrogata est, vel cessavit proprie dicta Accusatio, non magni resert, qui accusare possint, vel non possint; nam Judices Denuntiationem, & Querelam, à quocunque porrigitur, accipiunt, utpote qui ex Officio suo possunt per Inquisitionem procedere ad Querelam à quocunque porrigitam. Wagnerbeck ad subr. b. tit. not. 4. **E**xcipitur, ubi peculiari Statuto cautum est, ut Judex extra certos causas non possit procedere, nisi ad partis Querelam: de quo dictum est supra n. 37.

**Dub. 1.** an quis ad accusandum obligatur? Negant aliqui ea industi ratione, quod damnum, ex quoemque crimen imminentis Reip. tolli, aut impediri valeat operis Denuntiationis.

Sed melius adhibetur distinctio: Vel enim is, qui dubitat, an obligetur ad accusandum, potest crimen illud probare, vel non potest. **S**i hoc secundum, ad accusandum non obligatur, in modo non potest accusare, ut recte observat Sanch. l. 6. Conf. dub. 28. n. 1. Ratio est, quia accusando iniuste ledet famam Rei, sequē exponeret poenam calumniorum, quin Reip. consuleretur.

**S**i prius, videndum, an Reip. per ea crimen laesa sola delinquentis Denuntiatione consuli valeat, an vero contra, si prius, accusatio omitti potest arg. l. un. C. ut nem. invit. ager, vel accus. cogat. Gloss. in can. quapropter 46. V. deferre n. 7. Angel. V. accusatio n. 3. Wieschner hic n. 41. König ibid. n. 5. Pirhing n. 18. Magnif. P. Schmier p. 1. de Delict. c. 4. n. 29. Dixi, accusationem hoc casu omitti posse; non enim omitti necessario debet, sed in arbitrio, volentis crimen deferre ad Judicem, est, an hoc causa velit delinquentem accusare, vel solum denun-

muntiare. Ceterum, ut bene notat P. Schmier l. cit. n. 30. vix aliquis Authorum est, qui hoc casu suadeat accusationem; tum quia propter obligationem plenissimam probationis est plena periculi; tum quia plerumque facit, aut excitat desiderium vindictae, quod hominibus Christianis oppidetur probatum est; tum denique quia inter familias accusantis, & accusati perpetuum odium generat.

**105** Si posteriorius, ad accusandum obligatur, ut cum S. Thom. 2. 2. q. 68. art. 1. in Corp. Sylv. V. Accusatio q. 2. Laym. l. 3. tr. 6. c. 3. n. 6. Pirhing, Wiestner, Schmier l. sitt. docent ex ratione, quod Lex Charitatis quemvis obliget ad consulendum communis bono, quandocunque licite, & sine gravi incommmodo potest: imo si damnum commune tantum sit, ut etiam proprio privato praeferri debeat, obligatio accusandi urget etiam cum proprio accusantis damno.

**106** Dub. 3. an desistere licet ab accusatione jam inchoata? Certum est non licere casu, quo accusandi obligatio datur. Quando accusator non tenetur ad accusandum, distinguendum est, an accusationis Libellus jam sit oblatus Judici, an vero non. Si hoc secundum, accusatio liberè potest deseriri, prout factum est in casu c. licet 14. b. tit. ubi Canonici Bisuntini à sui Archiepiscopi accusatione sine poena recesserunt. Desistenter tamen imponitur silentium perpetuum, ne deinceps eundem de eodem criminis accusetur, aut infamet c. licet cit. & ibi Vivian. sed ei Gonzal. n. 3. Wagnereck not. 1. Vallens. hic §. 2. n. 8. König n. 60. Reiffenstuel n. 51.

**107** Si primum, videndum est, ex qua causa velit ab Accusatione desistere; nam si ideo velit desistere, quod advertat se errasse, & quem accusavit, innocentem esse, non solum potest, sed etiam debet ab accusatione inchoata desistere: & idem est, quando advertit, crimen à se probari non posse. Sylv. V. accusatio n. 6. Less. l. 2. de Jus. c. 30. n. 14. Pafferin. Trib. Regul. q. 7. art. 2. n. 11. § 12. Vallens. n. 8. cit. Pirhing n. 20. König n. 60. Reiffenstuel n. 52. Wiestner n. 47. Ut tamen calumniatorum poenam effugiat, probare debet, se probabili errore ductum ad accusandum accessisse, aut probationis copiam per mortem, absentiam, malitiam testimoni, aut Rei sibi subductam. Abb. in c. fin. de column. n. 5.

**108** Si nullum probabilem errorem, vel impedimentum sibi occurrentis allegare possit, deleri amplius accusatio excepta nequit l. quæsumus 5. ff. ad S. C. Turpil. & arg. à sensu contrario ex can. fin. ibi, Si quem paenituerit accusasse criminaliter, & inscriptionem fecisse, junct. Gloff. V. paenituerit cauf. 2. q. 3. Abb. in c. 14. b. tit. n. 6. Gonzal. ibid. n. 4. fin. Vallens. hic §. 2. n. 8. Pirh. n. 19. Wiestner n. 45. Reiffenstuel n. 50.

Quoad poenam, quâ desistens ab Ac<sup>109</sup> cusatione plectitur, distinguendum est, an crimen, à cuius accusatione desistit, sit privatum duntaxat, an vero publicum. Si privatum, ab ejus accusatione sine Rei, vel Judicis consensu desistens punitur solum poena extraordinaria, arbitrio Judicis infligenda l. sequit. 7. S. si Stellonianum 1. ff. ad §. C. Turpil. Sylv. V. Accusatio n. 8. Less. c. 30. cit. n. 30. Pirhing n. 19. Wiestner n. 46. & ceteri Passim. Si vero publicum sit, praeterquam, quod ab ejusmodi accusatione, si eam prosequi velit, repellatur l. qui defiterit 2. ff. & l. quamvis 3. C. ad S. C. Turpil. incurrit alias poenas ejusdem Senatus consulti, scilicet poenam quinque Librarum auri fisco applicandam l. prevaricationis 3. ff. de Prevaricat. & infamiam l. si pro eo 2. C. ad S. C. cit. atque insuper in expensis, & dannis punitur l. qui crimen 3. C. de his, qui accus. non poss.

Quæritur 6. quis sit Effectus Accusa<sup>110</sup> tionis? 7. Effectus Accusationis varijs sunt; nam aliqui concernunt Judicem, alij Accusatorem, alij Acculatum.

Ex parte Judicis Effectus Accusationis est, quod eâ positâ, possit accusatum citare, ut personaliter compareat c. Juris 1. b. tit. in 6. idque non verbaliter tantum, sed etiam realiter, & per Apparatores, modò delictum sit atrox, & poenam corporalem post se trahat, & Judici anteä constet per certa, & sufficientia quædam iudicia, ac conjecturas, vel alias probationes, quod accusatus hujusmodi Delicti reus sit; alias namque capi, & incarcerari nequit; etiam si Accusator se offerat ad subiungendum & ipse carcerem, donec maleficium legitimè probet l. Divus ff. & l. fin. C. de custod. reor. Confronat Ordin. crim. Carol. V. art. 6. § 11. Imo si Judge temere aliquem incarcereat, vel innocentem diutius detineat, incidit in Syndicatum. Carpzov. prax. crim. p. 3. q. 111. n. 70 & quia capto gravem ignominiam, ac irreparabile dampnum infert, eidem adversus Judicem actio injuriarum conceditur l. nec Magistribus 32. ff. de Injur. Farin. prax. crim. q. 27. n. 135. Fleck. Bibliot. Jur. Civil. l. 6. tit. 5. n. 16. König hic n. 57.

Porro capturam decernendū in Male<sup>111</sup> factores solus ille Judge potest, qui delicti cognitionem habet; privatis enim carcerem habere, vel aliquem delicti, aut debiti causâ capere, vel alio modo detinere non licet l. un. C. de privat. carcer. Executio ejus fit per lictores, satellites, milites, aut publicos ministros, quibus omnino credere, ac parere oportet, licet de mandato Judicis nihil doceatur, modò se expressam commissiōnem habere assenser, & tales sint, quibus ejusmodi citatio, vel captura demandari solet. Idem non debent captivum percutere, vel aliâ injuria afficere, nisi captivus moram, aut resistentiam fecerit: multò minus pos- sunt

sunt eundem in vita, & membris lēdere, nisi sit profugus; tunc enim impune illum possunt trahicere, modò ita fugi. ut postea vix amplius capi possit, quod contra graviores maleficos, non verò civiles reos procedit. Damhoud. prax. crim. c. 84. n. 35. Fleck. l. cit. n. 7.

<sup>112</sup> In leviōribus Delictis, quæ tantum pecuniarium, aut levem corporalem poenam merentur, præstata cautione, captivus carceri relaxationem imperare potest l. de custodia 1. f. de custod. § exhib. reor. quod adeo verum est, ut Judex absque justa causa idoneam cautionem refutans, ei de injuria, & Syndicatu teneatur. Menoch. l. 2. cas. 303, n. 3. Reusner l. 8. cons. 1. n. 24. Fleck, l. cit. n. 18. Secus in Delictis gravioribus; nam in his non admittitur Fidejussor, quod hujus cautione Judicium non fiat securum, cùm Fidejussor se ad capitalem, aut gravem corporalem poenam nequeat obligare. Menoch. l. cit. n. 16. Fleck. n. 18.

<sup>113</sup> Quodsi reus capi non possit, nec aliter comparare velit, ei petensi à Judge, merum imperium exercente, conceditur *Salvus Conductus*, seu cautio, quâ Judex eidem permitit securitatem veniendi, & sine metu carceris in Judicio comparendi. Ordin. crim. art. 76. § 156. qui tamen *Salvus Conductus*, nisi Judex expresse non tantum securitatem veniendi, sed etiam redundi promiserit, exspirat, quando Delictum vel propria Rei confessione, vel aliunde liquido probatum est; quia *Salvus Conductus* tantummodo contra squalorem, & horrorem carceris ad causam in Judicio liberius dicendam, non autem contra Juris, & Justitiae executionem deservit. Carpzov. præf. crim. p. 3. q. 112. n. 83. Befold. D. de Regal. c. 7. n. 5. Haun. tom. 6. de I. § 1. n. 3. c. 5. contr. 6. per tot. Fleck. l. cit. tit. 7. n. 4.

<sup>114</sup> Ex parte Accusatoris Effectus Accusationis sunt tres. 1. quod subscriptione in crimen, facta coniiciatur in similem custodiā, ibidemque detineatur, donec finiatur Judicium, ut si forte in probatione deficiat, poena talionis subiici posit l. nullus 2. C. de exhib. § transmitt. reis, & l. fin. C. b. tit. Verum hoc similitudo custodie eadem ratione, quâ subscriptio ad poenam talionis à foro recessit, & accusator tamdiu solum in carcere deinetur, usque dum cautionem præstiterit de expensis, & injuria in casum succumbentia præstandis. Ordin. crim. art. 12. unde custodia accusatoris tunc demum locum habet, quando ille hujusmodi cautionem præstare nequit. Fleck. tit. 1. n. 8.

<sup>115</sup> 2. Quod Accusator crimen, cuius accusationem adornat, teneatur probare eam. sciant 2. caus. 2. q. 2. in qua probatione si defecerit, & cont. temere litigasse convictus fuerit, tenebitur ad reficiendas li-

tis à se intentata expensas. Ordin. crim. art. 12. § 13. Jure Canonico c. accusati, 8. b. tit. si quis aliquem accusaverit per calumniam, & sine culpa accusati, præter poenam talionis, vel aliam extraordinariam decreatum est, ut per 40. dies in pane, & aqua, que *Carenca* vocatur, vel *Quadragesima*, cum septem sequentibus annis poenitentiam agat: si verò per talē delationem, sive accusationem aliquis debilitatus, i. e. mutilatus est membro, per tres *Quadragesimas* poenitere debet, ubi, ut recte notat Pirhing hic n. 40. not. 2. fin. quando imponitur jejunium certorum annorum in pane, & aqua, non intelligitur, quod poenitens quotidie jejuna-re debeat, sed per tres ferias Canonicas in qualibet hebdomade, sc. feria II. IV. & VI.

<sup>116</sup> 3. Quod post Litis Contestationem, aut etiam postquam oblato Libello, inscrip-tio facta est, Accusationem prosequi tene-atur, nec desistere ab illa posse, antequam abolutionem, seu veniam Magistratus im-petraverit, nisi velit notari infamia, vel etiam poenam arbitriam sustinere, ut di-ctum est *suprà* n. 107. § 109. nam publicè inter-est, Accusationem non intermitte, ut si vera sit, delictum puniatur; si falsa, ut pu-niatur calumniator, & sic absterreat, ne imposterum ita licenter in innocentiam cujus-que grassetur. Vallens, hic §. 2. n. 8. König ibid. n. 60.

*Ex parte accusati* alias Effectus est: <sup>117</sup> dum pendet Accusatio, alias, postquam finita est. *Dum* pendet Accusatio, vel Denuntiatio, et si non infamet, gravat tamen opinionem accusati, vel denunciati, ut interim ad novas Dignitates sive Ecclesiasticas, sive Seculares promoveri nequeat c. omnipotens 4. b. tit. l. reus 7. f. de munere. l. un. C. de reis populand. Estque hoc ita verum, ut promotio sic accusati, denunciati, vel inquisiti non teneat, etiam si poste per sententiam pronuntietur innocens, sed nova requiratur promotio l. qui statu s. f. de re. militar. Ratio est, quia declara-tio innocentiae debet precedere promotio-nem, nec sufficit eam subsequi; in his enim principium spectandum est, seu an quis habili-s sit tempore Electionis, seu promotio-nis arg. c. dudum 14. de Elect. & c. f. eo tem-pore 45. eod. in 6. unde cum principium fue-rit vitiosum, declaratio innocentiae subse-quens non retrotrahitur ad tempus promo-tionis. Fagnan. in c. 4. cit. n. 24. Exceptu-tur, nisi appareat, accusatorem per calum-niam accusasse, vel denunciasse seu eo ani-mo, ut promotionem impedit l. qui de libertate 29. f. de liberal. caus. Felin. in c. 4. cit. n. 3. Joan. Andr. ibid. n. 3. Gonzal. n. 9. Hinc ne fraudulenter objiciatur crimen, ut promovendi impeditur commoditas, debet præfigi terminus accusatori, intra quem probet: quo elapsa, & nihil proba-to, poterit Superior ferre Sententiam inter-locu-

locutoriam super innocentia delati, & postea ipsum promovere. Vivian. in c. 4. cit. fin.

**¶ 18** Dixi autem, non posse accusatum, pendente accusatione, promoveri ad Dignitates; nam obtentis uti non prohibetur, ut notat Gloss. in can. nomine caus. s. q. 4. Covar. l. 2. var. c. 8. n. 4. Menchaca. Illustr. contr. c. 84. n. 26. Gonzal. in c. 4. cit. n. 11. quia in amittendis honoribus, & dignitatibus antea obtentis, & illarum usu viget diversa ratio; & longè maius vertitur præjudicium, quam in his, quæ de novo conferuntur, consequendis. Unde meritò plus requiritur, ut dignitates antea obtentis amittantur, quam ut noviter obtinendæ impediatur, cum in illis de damno, & poena, in his vero de lucro agatur arg. l. fin. C. de Codicilli junctâ l. Titio 70. §. Titio 1. ff. de condit. & deponit.

**¶ 19** Imò ut Accusatio etiam quoad honores, & dignitates consequendas effectum hunc sortiatur, plura concurrere requisita debent. 1. debet esse Dignitas, cuius consecutio per Legem humanam annullari potest; nam si nequeat annullari, uti est promotione ad SS. Ordines, in hac effectum suum non exerit, sed collati etiam accusatio valent, licet exercitium illorum lege humana impediri possit. Gonzal. in c. 4. b. tit. n. 9. fin. 2. ut Accusatio teneat, & facta sit à legitimo accusatore e. meminimus 13. b. tit. Feln. in c. 4. cit. n. 2. limit. 2. Pirhing. n. 45. limit. 1. nam si nulla sit accusatio e. g. ob defectum Jurisdictionis, processum vitiosum &c, etiam condemnato super crimine alias famoso non irrogatur infamia, ut est casus can. imprimis 7. §. quia ergo caus. 2. q. 1. 3. Ut crimen, de quo aliquis accusatur, vel denuntiatur, sit grave, ut colligit ex c. omnipotens est. ibi. De quo tanta, & talia nuntiantur, i. e. gravia, ut exponit ibidem Joan. Andr. n. 1. ¶ talia. Secus ergo est, si criminis sint minora, & levia; hæc enim promotionem ad Dignitates, eti probata sint, non impedit. Fagn. l. cit. n. 17. Gonzal. n. 10. Pirhing. limit. 2. Reiffenst. n. 138. 4. Ut accusatus sit persona singularis; nam si accusetur, vel denuntiatur Collegium, qui de Collegio sunt, pendente lite non impediuntur promoveri ad honores, nisi cuius persona in accusatione, vel denuntiatione specialiter, & nominatum expressa est. Feln. n. 16. limit. 4. Pirhing. limit. 2. 5. Ut accusatio de crimen fiat criminaliter ad poenam, seu vindictam publicam; nam si civiliter soluta ad interesse proprium prosequendum, non impedit promotionem accusati ad Dignitates; quia infamiam non irrogat c. tuz 5. de Procur. c. super bis 16. fin. b. tit. Fagn. n. 15. Pirhing. limit. 4. Reiffenst. n. 136. 6. Ut non appareat ex conjecturis, reum calumniosè, & eo animo delatum esse, ut à novis honoribus arceatur. Fagn. n. 17. Gonzal. n. 10. Barbos. n. 3. Pirhing. n. 52. & dictum est supra n. 117. 7. Ut non-

dum lapsus sit annus à die propositæ accusationis; nam eo clapo, si adhuc lis per sententiam definita non sit, potest reus novos consequi honores, nisi per eum steterit, quod minus intra annum finiatur causa l. reus 7. ff. de muner. quod procedit Jure antiquo; nam hodie accusatio non terminatur anno, sed biennio; unde hoc novo Jure expectandum erit biennium; imò quia hodie nec biennium observatur, ex consuetudine hodierna limitatio ista modò locum non habet. Gonzal. n. 19. cit.

**¶ 20** *Plena Accusatione, & criminis legitimè probato, sequitur condemnatio Rei ad penam ordinariam, & certam, sicut Jure statuta est, vel aliam condignam arbitriam, & extraordinariam c. 1. confitit 12. b. tit. Host. Statu. b. tit. n. 12. Zcel. n. 5. Pirhing. n. 97. Schambog. n. 15. De hac condemnatione Ordini. Crim. art. 92. & seqq. Judici, & Assessoriis præscribitur, ut post causam plenè discussam, & factam ab ultra que parte concusione, integra Acta Judicialia in medium proferant, singula diligenter examinent, ac ponderent, & sententiam summa cum accuratione, & providentiâ, prædictæ Ordinationi pro facti cuiusque ratione maximè conformem meditentur, cùmque scriptis comprehensam, & denuo requisitis, atque collectis singulorum Assessorum suffragijs comprobata, Judex per juratum Actuarium publicari, & alta voce in praesentia partium prælegi, jubantis in quo Constitutio hec Carolina discrepat à Jure communis, ex cuius prescripto Judex ipse sententiam recitare tenetur, exceptis personis Illustribus l. bac. lege 2. & l. seq. C. de sentent. ex peric. recit. Novell. 71. c. 1. König. hic n. 62.*

Quæritur 7. quibus modis tollatur, & extinguatur Actio criminalis? n. Extinctio quatuor maximè modis.  
**1. Prescripitione**, si scilicet à die commissi criminis lapsum sit tempus, à Jure pro extinctione Actionis criminalis prescriptum: & hoc quoad crimen Peculatiū juxta l. peculatiū 7. ff. ad Leg. Jul. Peculat. & quoad Delicta carnis juxta l. mariti 29. §. sex mensum 5. & S. seq. ff. & l. adulter. 5. junct. l. reos 8. c. ad Leg. Jul. de Adulter. est quinquennale; quoad alia vero delicta, usit etiam quoad crimen raptus, & adulterij cùna incestu perpetrata vicennale l. vim passam 39. §. prescripitione 5. ff. ad Leg. jul. de Adul. l. querela 12. c. ad Leg. Coriol. de fals. l. anni 2. & l. seq. ff. de requir. reis. Procedit autem hoc solum quando crimen patrum transit, & cessat; nam in illis, quæ successiva sunt, & permanentia, ut est Matrimonium intum contra Canones, Hæresis, Apostasia, & similia, in quibus delinquens perseverat, & delictum continuat, nulla præscriptio locum habet, nisi à tempore cœlantis delicti. Pirhing. hic n. 46. Imò etiam in

in Delictis transeuntibus, ut notat Fleck,  
Biblioth. Jur. Civil. l. 6. tit. 1. n. 18. quoad  
vindictam publicam præscriptio hodie non  
amplius videtur attendi.

<sup>122</sup> 2. *Transactio*; quia nemo invitus  
crimen accusare, vel manifestare tenetur,  
nisi sit crimen læsa Majestatis, vel aliud in  
futurum noxiū secundū dicta n. 103. &  
duob. seqq. Porro de Jure Civili duxtaxat  
transfigi potest de criminibus, pœnam ultimi  
supplicij irrogantibus l. transfigere 18. C. de  
Transact. Bachov. D. 7. th. 5. lit. B. Fleck.  
cit. 1. cit. n. 19. Hodie tamen etiam de  
Adulterio. Heig. q. 29. n. 79. Carpzov.  
prax. crim. q. 55 n. 14. & de criminibus,  
ultimum supplicium non inferentibus tam  
ante, quā post institutum accusationem grā-  
tis, vel etiam remuneratione interveniente  
transfigere permisum est, ut notat Fleck. n.  
cit. ita, ut nec reus pro confessō, aut con-  
victō habeatur (quia delicta debent eviden-  
ter probari) nec accusator in pœnam pre-  
varicationis, vel S. C. ti Turpilianni incidat:  
de quo vide dicta Libr. 1. Tit. 36. n. 9. Per  
ejusmodi tamen Transactionem soli accusa-  
tori quoad interesse suum privatum, non  
autem fisco quoad publicam vindictam, &  
continuationem Procesus præjudicari cen-  
setur, maximē cùm hodie, accusatore quo-  
cunque modo deficiente, Magistratus con-  
tra reum inquisitorie procedat. Carpzov. l.  
cit. q. 104. n. 50. Fleck. n. 20.

<sup>123</sup> 3. *Morte accusatoris ante latam* Sen-  
tentiam; nam isto mortuo nomen Rei abo-  
leitur, postulante reo l. libellorum 3. §. fin.  
ff. b. tit. quod tamen intellige solum quoad  
eandem instantiam; nam, ut l. cit. dicitur,  
alij ex integro repeterē reum licet, si hoc  
faciat intra triginta dies utiles. Multo mi-  
nus mors Accusatoris præjudicat Judici;  
nam hic ex officio potest accusationem pro-  
sequi, & processum ad finem perducere l.  
accusatore 13. pr. ff. de Publ. Judic. Clar. §.  
fin. q. 51. n. 9. & 11. Pirhing bic n. 46. V.  
2. extinguitur.

<sup>124</sup> 4. *Morte Rei delinquentis*: nam pœna  
ab hæredibus exigi nequit l. defuncto 6. ff. de  
Publ. Judic. cons. etiam ipsa Accusatio cessat,

quippe quæ mortuo accusato in hæredes ejus  
non transit l. similes 1. & seqq. C. f. reus, vel  
accusator &c. Quod tamen intelligendum  
de pœna corporis afflictiva; nam quantum  
attinet ad pœnam pecuniariam, bonorum  
confiscationem, & realis damni vindicatio-  
nem recte distinguit Fleck. l. cit. n. 23. in-  
ter Jus Civile, & Canonicum. Jure Civili  
post contestationem litis tam ex publicis,  
quā ex privatis Delictis Processus conti-  
nuatur etiam contra hæredes delinquentis l.  
un. C. ex delict. defuncto l. omnes 26. l. con-  
fiscationibus 33. & l. sciendum 58. ff. de O. &  
A. Jure Canonico hæredes delinquentis,  
etiamsi cum defuncto lis nondum sit institu-  
ta, ad reparationem realis damni pro viri-  
bus hæreditarijs directe conveniri possunt e.  
fin. de Sepult. c. ex presentium 3. fin. de Pignor.  
c. tua nos 9. de Ustar. Covar. l. 3. var. c. 3.  
n. 7. Farin. prax. crim. q. 10. n. 60. Quod  
Jus hodiernis moribus observari testatur  
Fleck. n. 23. cit. & meritò; quia obligatio  
defuncti, quā ex suis bonis lælo satisfacere  
debeat, non fuit extincta, sed ipsa bona affec-  
tisse, & ad hæredes transiisse censetur.

Sed hoc intelligendum de illa pœna<sup>125</sup>  
pecuniaria, quā vindicatur reale damnum il-  
latum alteri; nam si nullum reale damnum  
per Delictum illatum alicui à delinquentे  
est, sed pœna pecuniaria solum imponitur  
ad vindictam delicti, alia adhibenda distinc-  
tio est, & videndum, an reus mortuus sit  
ante sententiam condemnatoriam contra eum  
latam, an post illam. Si ante, accusa-  
tio criminalis non transit in hæredes illius,  
etiamsi lis cum defuncto sit contestata l. ex  
judiciorum 20. ff. b. tit. Si post sententiam  
condemnatoriam, tunc qualibet pœna pecu-  
niaria in hæredes delinquentis transit. Farin.  
q. 10. cit. n. 45. Pirhing bic n. 46. Exci-  
piuntur quædam crimina, in quibus etiam post  
mortem rei delinquentis procedi potest con-  
tra hæredes delinquentis, quamvis lis con-  
testata non fuerit, ut bona eorum fisco vin-  
dicerentur l. ex judiciorum cit. & tale est cri-  
men læsa Majestatis, Hæresis &c. Clar.  
q. 51. cit. n. 13. Farin. n. 30.